



80

06

100

品高僧摘要卷三目

其言孔正。其行不偏。榮華聲譽。視之澹然。今之廉
骨。望風可憐。品超物外也。孰與負。

○雲雲

○跋摩

○道進

○曇
彎易

○法進

○法藏

○圓光

終南紫蓋隋開皇

隋開皇

隋開皇

○富上

益州淨德

隋

宋元嘉

卷之三

晉義熙

卷之三

品行
超不
偏物

青視之游

鼎然
今之

C 40-4514

了翁上座請大藏及百
家書置之武州紫雲山
微笑塔院庭中永
留矣不敢許出院內

B-64853

- 明瞻 終南智炬 隋開皇
○慧安 崩嶽少林隋大業
○志寬 蒲州仁壽唐貞觀
○明導 洛州天官唐貞觀
○道興 益州福勝唐貞觀
○光儀 上都青龍唐開元
○志賢 太原甘泉唐天寶
○圓觀 洛京慧林唐大曆
○無着 五臺華嚴唐大曆
○德成 潤州幽棲唐天寶
○天然 丹霞
○恒政 光聖壽
○唯儼 朗州藥山唐元和
○道晏 九峯
○鑒空 洛陽香山唐元和
○恒超 根洲開元後梁乾化
○法聰 襄陽景空定州開元
○法辨 定州開元後唐

○妙普 華亭青龍 南宋 建炎

○了性 五臺普寧 元至治

○大同 紹興寶林元歲

○慧日 天竺 明洪武

○應能 橘州壽佛明建文 ○達觀 紹祐

○慈山清 四山 明

○雪嶠 雲門 明

○林野奇 天童 明

○石奇雲 雪竇 明

○清

○清

○萬如微 蘭池 明

○朝宗忍寶花

○清

○王林秀報恩

○清

○清

○百癡元 金蔡

○浮居賢天童

○清

○清

○清

○清

品高僧摘要卷三

武原居士徐昌治覲周父編輯

釋曇霍、蔬食苦行、常居塚間、樹下、專以神力化物、時河西鮮卑利鹿孤僭據西平、自稱爲王、號年建和二年十一月、霍從河南來、至自西平持一錫杖云此是般若眼、奉之可以得道、人遺其衣物、受而輒投諸地、或放之河中、有頃衣自還本主、一無所汚、行疾如風、言人死生貴賤毫釐無爽、人或藏其錫杖、霍閉目少時立知其處、並奇其神異、因之事佛者甚衆、鹿孤有弟辱檀假署車騎

權傾僞國、性猜忌、多所賊害。霍每謂檀曰：「當修善行道。」爲後世橋梁。檀曰：「僕先世已來、恭事天地名山大川。今一旦奉佛、恐違先人之旨。」公若能七日不食、顏色如常、是爲佛道神明。僕當奉之。乃使人幽守七日、而霍無饑渴之色。檀遣沙門智行密持餅遺霍。霍曰：「吾嘗誰欺、而欺國王耶？」檀深奇之、厚加敬仰。因此改信節殺、興慈國。人旣蒙其佑、咸稱曰大師。出入街巷、百姓迎禮。至晉義熙三年、檀爲勃勃所破、涼主兵亂、不知所之。

求那跋摩此云功德鎧、本刹利種、累世爲王、治在罽賓。國跋摩年十四、機見雋達、深有遠度。仁愛務善、其母嘗須野肉、令跋摩辦之。跋摩啟曰：「有命之類莫不貪生、天彼之命非仁人矣。」母怒曰：「設令得罪、吾當代汝。」跋摩他日煮油、誤洗其指、因謂母曰：「代兒忍痛。」母曰：「痛在汝身、吾何能代？」跋摩曰：「眼前之苦尚不能代、况三途耶？」母乃悔悟、終身斷殺。至年十八、相工見而謂曰：「君年三十、當撫臨大國、南面稱尊。若不樂世榮、當獲聖果。」至年二十、出家受戒、洞明九部、博曉四含、誦經百餘萬言、深達律品、妙入禪要。時人號曰三藏法師。至年三十、罽賓國王

薨、絕無紹嗣。衆咸議曰：跋摩帝室之胤、又才明德重、可請令還俗、以紹國位。羣臣數百再三固請、跋摩不納、乃辭師遠衆、林棲谷飲、孤行山野、遁迹人世。後到師子國、觀風弘教、見者發心。後至闍婆國、至前一日、闍婆王母夜夢見一道士飛舶入國、明日果跋摩至。王母敬以聖禮從受五戒、母因勸王曰：宿世因緣得爲母子、我已受戒、而汝不信、恐後生之因、永絕今果。王迫以母勅、卽奉命受戒。頃之、隣兵犯境、王謂跋摩曰：外賊恃力、欲見侵侮、若與鬪戰、傷殺必多、如其不拒、危亡將至。今唯歸命。

師尊不知何計、跋摩曰：暴寇相攻、宜須禦捍、但當起慈悲心、勿興害念耳。王自領兵擬之、旗鼓始交、賊便退散。王遇流矢、傷腳、跋摩爲呪水洗之、信宿平復。王恭信稍殷、乃欲出家修道、因告羣臣曰：吾欲船棲法門、卿等可更擇明主、羣臣皆拜伏勸請曰：王若捨國、則子民無依且、敵國兒強、恃峻相對、大王天慈、寧不愍命、敢以死請。王不忍固違、乃就群臣請三願、若許者、當留治國、一願凡所王境、同奉和尙、二願盡所治內、一切斷殺、三願所有儲財、賑給貧病、羣臣歡喜敬諾、於是一國皆從受戒。

王後爲跋摩立精舍躬自琢材傷王腳指跋摩又爲兜治有頃平復道化之聲播于遐邇隣國聞風皆遣使要請時京師名德慧觀慧聰等遠挹風猷以元嘉元年九月面啟文帝求迎跋摩帝卽賜交州刺史令泛舶延致觀等又遣沙門法長道冲道雋等往彼祈請并致書于跋摩及閻婆王希臨宋境流行道敎跋摩以聖化宜廣不憚遊方路由始興經停歲許始興有虎市山儀形聳峙峰嶺高絕跋摩謂髮鬚者閻乃改名靈鷲于山寺之外別立禪室去寺數里磬音不聞每至鳴椎跋摩已至

或冒雨不沾或履泥不汚時衆道俗莫不肅然增敬寺有寶月殿跋摩于殿北壁手自畫作羅云像及定光孺童布髮之形像成之後每夕放光此山本多虎災自跋摩居之晝行夜往或時值虎以杖按頭擣之而去于是山旅水賓去來無梗文帝重勑觀等復更敦請乃汎舟下都以元嘉八年正月達于建業文帝引見勞問懇懃因言曰弟子常欲持齋不殺不獲從志法師旣不遠萬里來化此國將何以教之跋摩曰夫道在心不在事法由己非由人且帝王與匹夫所修各異匹夫身賤名劣

言令不威若不克已苦躬將何爲用帝王以四海爲家萬民爲子出一嘉言則士女咸悅布一善政則人神以和刑不天命役無勞力使風雨適時寒煖應節百穀滋繁桑麻鬱茂如此持齋亦大矣不殺亦衆矣寧在闕半日之餐全一禽之命方爲弘濟耶帝乃撫几嘆曰夫俗人迷于遠理沙門滯于近教迷遠理者謂至道虛說滯近教者則拘戀篇章至如法師所言真開悟明達可與言天人之際矣乃勑住祇洹寺供給隆厚王公英彥莫不宗奉俄而于寺開講法華及十地法席之日軒蓋盈

衢觀贊往還肩隨踵接其年九月二十八日食未畢奄然已終春秋六十有五

釋道進一名法進姓唐涼州張掖人幼而精苦習誦有超邁之德爲沮渠蒙遜所重遜卒子景環爲邊寇所破問進曰今欲轉畧高昌爲可赴不進曰必捷但憂災餓耳廻軍卽定後三年景環卒弟安周續立是歲饑荒死者無限周旣事進進屢求賑貧國蓄稍竭進不復求乃淨洗浴取刀鹽至深窮窟餓人所聚之處次第受以三歸便掛衣鉢着樹投身餓者前施汝共食衆雖饑困猶

義不忍受進卽自割肉注鹽以啖之兩股肉盡心悶不能自割因語餓人云汝取我皮肉猶足數日若王使來必當將去餓者悲悼無能取者須臾弟子至王人復至舉國奔赴號咷相屬因舉之還宮周勑以三百斛麥以施饑者別發倉廩以賑貧民至明晨乃絕出城北闕維之烟焰衝天七日乃歇屍骸都盡唯舌不爛卽于其處起塔三層樹碑于右

釋曇鸞廬門人家近五臺山神迹靈恆時未志學便往尋焉備覲遺蹤心神歡悅便卽出家讀大乘經恨其詞義深密難以開悟因而注解文言過半便感氣疾停筆醫療行至汾州秦陵故墟入城東門上望青霄忽見天門洞開六欲階位上下重複歷然齊覩由斯疾愈前作尅旣方崇佛教承江南陶隱居者方術所歸廣博弘贍海內宗重遂往從之旣達梁朝時大通中通名云北國番僧曇鸞奉謁時所司疑爲細作推勘無有異詞以事奏聞帝曰斯非覲國者可引入重雲殿仍從千迷道帝先于殿隅郤坐繩床衣以袈裟覆以納帽鸞至殿前顧望無承對者見有施張高座上安几拂正在殿中傍無

餘座徑往昇之豎佛性義三命帝曰大檀越佛性義深畧已標叙有疑賜問帝却納帽便以數關往復因曰今日向晚明須相見鷲從座下仍前直出詰曲重沓二十餘門一無錯誤帝極歎訝曰此千迷道從來舊時往還疑阻如何一度遂乃無迷明日引入太極殿帝降階禮接問所由來鷲曰欲學佛法恨年命促減故來遠造陶隱居求諸仙術帝曰此傲世遁隱者比屢徵不就任往造之鷲尋致書通問及届山所接對欣然便以仙方十卷用酬遠意還至浙江有鮑郎子神者一鼓漏浪七日

便止正值波初無由得渡鷲便往廟所以情祈告必如意請當爲起廟須臾神卽見形告鷲曰若欲渡者明日當得願不食言及至明晨濤猶鼓怒纔入船裏帖然安靜依期達帝具述由緣有勑爲江神更起靈廟因卽醉還魏境欲往名山依方修治行至洛下逢中國三藏菩提留支鷲往啟曰佛法中頗有長生不死法勝此上仙經者乎留支唾地曰是何言歟非相比也此方何處有長生不死法縱得長年少時不死終更輪迴三有耳卽以觀經授之曰此大仙方依之修行當得解脫生死也

鬻尋頂受所賚仙方並火燒之自行化他郡流靡弘廣
魏主重之號神鬻興和四年因疾卒于平遙山寺
釋法進蜀中新繁人在俗精進不噉辛腥在田農作以
鐸刃爲鐘磬步影而齋有送食晚便飲水而已所犁田
地不損蟲蟻一時空中聲曰進閹梨出家時到如是四
五聲合家同聞進因詣洛口山出家行頭陀不居寺舍
時隋蜀王秀聞名知難邀請遣叅軍郁九問長卿往便
將左右十人辭王曰承有道德如請不來當申俗法王
曰不須威逼但以理延明當達此長卿出郭門顧曰今

日將你輩往兜率天請彌勒佛亦望得何況山中道人
有何不來初至吉陽山下日暮見虎道蹲命人射之馬
皆退走欲投村恐違王命俄見一僧負襍上山長卿命
住爲伴餘從並留步至寺所召入至床又見虎在床下
怖不自安進遣虎出具述王意雖有答對而怖形于相
狀進曰檀越初出郭門一何雄勇今來至此一何怯憚
長卿頂禮默然因宿至旦令先往貧道後來行至望鄉
臺顧視進行已及卽與同見王入內受戒卽日辭出所
獲覲施一無所受令往法聚寺停王顧諸佐曰見此僧

令寡人毛豎戒神所護也。後更召入城。王遙見卽禮進曰。王自安樂進自安樂。何爲苦相惱亂作無益之事耶。諸僧諫曰。王爲地主。應善問訊。何爲訶責。進曰。大德畏死。須求王意。眼見惡事。都不諫勉。何爲弘教。進不畏死。責過何嫌乎。雖盛飾床筵。厚味重結。而但坐繩床。食麤餅而已。至妃姬受戒後。又醉入山。重延三日。限滿便返。諸清信等咸設食而邀之。至時諸家各稱進到。總集計會。乃分身數十處焉。有時與僧出山赴食歟。爾而笑入。問其故。曰。山寺淨人穿壁盜蜜耳。及還果如所說。初王

門師慈藏者。爲州僧官立政嚴猛。瓶衣香花少闕。加捶僧衆苦之。而爲王所重。無敢諫者。以事白進。請爲救濟。答曰。其威力如此。豈能受語耶。苦請不已。進造藏房。門藏走出。謂曰。法門未可如是。爾亦大力也。蜀人以大甚爲大力。還返入房。自此藏便息言。僧由此安。以開皇中卒。山年九
十有六。

富上者。莫測何人。恒依淨德寺宿。埋一大笠在路。晝日坐下讀經。人雖去來。不喚令施。有擲錢者。亦不呪願。每于靜路。不入鬧中。狀如五十。雖在多年。過無所獲。有信

心者曰城西城北人稠施多在此何爲答曰一錢兩錢足養身命復用多爲陵州刺史趙仲舒者三代之酷吏也甚無信敬聞故往試騎馬直過佯墮貫錢富但讀經自未曾顧去遠舒令取錢富亦不顧舒乃返來曰你見我錢墮地不曰見問曰錢今何在曰見一人拾將去舒曰你終日在路惟乞一錢豈有貫錢在地而不取者見人將去何不止之答曰非貧道物何爲浪認仲舒曰我欲須你身上袈裟富曰欲相試耳公能將去復有與者可謂得失一種卽疊授與仲舒下馬禮謝曰弟子周朝

人官歷三代與衆僧往還少不貪者聞名故謁本非惡意請往陵州富曰大善然貧道廣欲結緣願公助國安撫卽是長相見受供養也舒辭嘆曰此人不可輕慢爾後不見益州人薦相者從楊州還見之亦埋笠路側顏狀如常

釋法藏姓荀潁川潁陰人三歲喪父共母偏居十歲母亡隻身而立因斯禍酷深悟無常年二十二周天和二年四月八日明帝度僧從便出俗天和四年誕育皇子詔遷明德至醴泉宮武帝躬趨殿下口號鮮卑問訊衆

僧兀然無人對者藏在末行出衆獨立作鮮卑語答殿庭僚衆咸喜斯酬勑語百官道人身小心大獨超群友報朕此言可非健道人耶有勅施錢二百一十貫由是面洽每蒙慰問雖身居寺內心念幽林建德二年二月杖鉢擎函投于紫蓋山山卽終南之一峯也乃獨立禪房高巖之下衣以百衲食以木松三年正月八日遊步山頂忽遇甘杏十枚卽而噉之旣荷冥資但勤勵業其年四月二十三日毀像焚經僧令還俗惟藏山居依道自隱綿歷八載常思開法至宣帝大象元年九月下山

謁帝意崇三寶到城南門對武侯府上大夫折王猛曰建德二年棄寺入山三年四月方禁僧侶惟藏在山餘並還俗藏一身在山林谷爲家居鳥獸爲徒侶草木爲糧粒然自惟付普天之下莫非王土旣居紫蓋噉食山糧准此供給則至尊所施猛等執奏下敕曰朕欲爲菩薩治化此僧旣從紫蓋山來正合朕意宜令長髮着苦薩衣冠爲陟岵寺主內史次大大唐怡元覆奏曰天下衆僧普令還俗獨度一人違先帝詔至十月于城東面別見宣帝問三教名朕欲菩薩治化或現天身或從地

出或作鹿馬用斯化道以攝衆生如何藏引妙莊王二子諫父之事又曰陛下昔爲臣子不能匡諫遂令先帝焚燒聖典靈像鑄錢據斯逆害與秦始何異帝怒曰違朕先皇明詔可令遽盡藏曰仰触聖顏乞刑都市幽顯同見誠其本心爾時命若懸藤而詞氣無駭頻經九奏安詞彌厲十奏旣達帝曰道人怖不內史沛公曰人生所重無過于命處身極刑之地何能不怖帝聞愀然改色乃曰真人護法祐我群生此則護鵝比丘朕不殺無事人也宜捨其刑一不須問賜菩薩衣冠依前爲陟岵

寺主頻降寵命得繼釋門旣獲再生便辭帝往林泉山澤請欲幽潛御史鮑宏奏勅萬年長安藍田盩厔五縣任藏遊行朕須見日不可沉隱雖蒙恩勅終未開弘快結心靈思懷聖道周德云謝隋祚將興大象二年五月二十五日隋祖作相于虎門六月藏又下山與大丞相對論三寶經宿卽蒙剃髮賜法服一具雜綵十五段青州棗一石尋又還山至七月初追藏下山更詳開法服各還所止藏獨宿相第夜論敎始大定元年二月

十二日承相龍飛卽改爲開皇之元焉十五日奉勅追前度者置大興善寺爲國行道自此漸開方流海內藏戒行貞明禪心鬱茂數入朱門頻登御榻開皇二年內史舍人趙偉宣勅月給茯苓棗杏酥油柴炭以爲恒料而性在虛靜不尚榮利十四年自奏停料隨施供給武侯將軍素和業者清信在懷延至宅中冀禮奉養積善所熏遂捨所住以爲佛寺藏率俗課勵設萬僧齋右僕射蘇威每來參謁并建大殿尊儀舍人裴矩宣勅藏禪師落髮僧首又設大齋弘法之盛不可等倫以貞觀二

年終于鄆縣觀臺因殮于阜南雲際寺沙門孝才爲銘
貞石于龕側

釋圓光姓朴本住三韓秦韓辰韓馬韓光卽辰韓新羅人也家世海東而神器恢廓校獵玄儒討讐子史年二十五乘舶造于金陵及聞釋宗乃上啟陳主請歸道法有勅許焉旣爰落髮卽稟具戒遊歷講肆得成實涅槃蘊括心府三藏數論徧所披尋末又授吳之虎丘山息心之衆雲結林泉並綜涉四含功流入定深副夙心遂有終焉之慮於卽頓絕人事樂遊聖蹤時有信士宅居

山下請光出講創通成論未講般若皆思解俊徹聽者欣欣會其心府名望橫流播于嶺表披榛負橐而至者相接如鱗會隋后御宸威加南國遂被亂兵將加刑戮有大主將望見寺塔火燒走赴救之了無火狀但見光在塔前被縛將殺既恠其異卽解而放之光學通吳越便欲觀化周秦開皇九年來遊帝宇值佛法初會攝論肇興奉佩大言振續微緒本國遠聞上啟頻請有勅厚加勞問放歸桑梓光往還累紀老幼相欣新羅王金氏面申虔敬仰若聖人光年齒旣高乘輿入內衣服藥食

並王后自營不許佐功用希專福將終之前王親執慰囑累遺法兼濟民斯爲說徵祥被于海曲以彼建福五十八年少覺不愈經于七日遺誠清切端坐終于所住皇隆寺中春秋九十有九

釋明瞻姓杜恒州石邑人少有異操住龍貴村二千餘家同共高之十四通經十七明史州縣乃舉爲進士性慕超方不從辟命投飛龍山應覺寺而出家焉師密異其度乃致書于鄴下大集寺道場法師令其依攝專學大論尋值法滅藏形東郡隋初出法追住相州法藏寺

內通大小外綜丘墳將事觀國移步上京開皇三年勅召翻譯住大興善衆覩德望可宗舉知寺任大業二年帝還京室在於南郊盛陳軍旅時有濫僧染朝憲者事以聞上帝大怒召諸僧徒並列御前峙然抗禮下勅責曰條制久頒義須致敬于時黃老士女初聞卽拜唯釋一門儼然莫屈時以瞻爲道望衆所推宗乃答曰陛下必欲遵宗佛教僧等義無設敬若准制返道則法服不合敬俗勅云若以法服不合宋武爲何致拜瞻曰宋氏無道之君不拜交招顯戮陛下有治存正不陷無罪故

不敢拜帝不屈其言直遣舍人語僧何爲不拜如此者五黃中之族連拜不已唯瞻及僧長揖如故兼抗聲對叙曾無憚惲帝乃問向答勅僧是誰錄名奏聞便卽視擬戮明日有司募敢死者至闕陳謝瞻又先登雖達申遜之詞帝夷然不述但下勅于兩禪定各設盡京僧齋再遺束帛特隆常准後廻蹕西郊顧京邑語朝宰曰我謂國內無僧今驗一人可矣自爾下勅令住禪定衆以瞻正色執斷不避強禦又舉爲知事上座整理僧務大唐御世爰置僧官貞觀之初以瞻善識治方有聞朝府

召入內殿躬昇御床食訖對詔廣列自古以來明君民主制御之術兼陳釋門以慈救爲宗帝大悅因卽下勅年三月六普斷屠殺行陣之所皆置佛寺一時七處同建如幽州昭仁晉州慈雲呂州普濟汾州弘濟洛州昭福鄭州等慈湖州昭覺並官給匠石京送役隸皆因瞻之開發也暮齒將臨山栖是造遂入太一山智炬寺而隱焉京輦歸信遠趣于林少時遇疾乃曰吾命極矣可懸一月枯骸累人乃延諸大德就與善寺設齋辭訣房柱僕射舉朝畢集具資助供覲錫山積瞻通大捨懺辭

告別卽日力杖出京返于智炬竭誠勤住想觀西方心道明利告侍者曰阿彌陀佛來也須臾又云二大菩薩亦至顏貌怡然奄爾逝春秋七十

釋慧安姓衛荊州支江人安性寬裕不染俗塵修學法門無不該貫大業中開通濟渠追集夫丁饑殍相望安巡乞多鉢食救其病乏存濟者衆煬帝聞之詔安遂潛入太和山至帝幸江都海內擾攘乃杖錫登衡嶽寺行頭陀法貞觀中至蘄州禮忍大師遊終南山石壁而止時所居原谷之間早霜傷苗稼安居處獨無四十里外

皆苦青女之災天皇大帝聞而召焉安不奉詔永淳二年至滑臺草亭居止中坐繩床四方坦露勅造寺以處之號招提却還家鄉玉泉寺時神秀禪師新歸寂咸請住持安弗從命天后聖曆二年四月告門人學衆各歸閉戶至三更有神人至扈衛森森和鈴鉸鉸風雨偕至其神旋繞其院數遭安與之語丁寧教誡再拜而去或問其故曰吾爲嵩山神受菩薩戒也天后嘗問安甲子對曰不記曰何不記耶曰生死之身如循環無起盡何用記爲又此心流注中間無間見漚起滅者亦妄想耳

從初識至動相滅時亦只如此何年月可記耶天后稽頤焉中宗神龍二年九月勅令中官賜紫袈裟并絹賜號安并靜禪師入中禁受供施三年賜摩納一副便辭歸少林寺至景龍三年三月八日閉戶偃身而寂春秋一百三十歲火焚收舍利八十粒內五粒紅紫色進內餘散施隨力造塔

釋志寬姓姚蒲州河東人父任隋青州刺史寬自幼及長以清約知名歷聽諸經以涅槃地論爲心要東西訪道無釋寸陰生常履信言行不乖嘗以遊學長安詣市

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

買絹有人曰可見付直明當送絹于此便付直還寺爲諸僧所笑寬曰自憶不負于人豈有人而垂信至期果獲寬常誦維摩及戒本所居住房每夜必有振動介胄之響竊而觀者咸見非常神人遙房而行又一時夜中房重閣上有打物聲同學寶通聞之驚迷不安其席寬就而尉之猶打物如故至旦看之乃舍梁將折卽令柱之得免其性命好瞻病無憚遠近又以道俗知無人治者皆舉迎房中躬運經理後于中夜室內大明及觀房外與晝無異此相數現猛以開務誘引弘濟爲業屬煩

帝弘道海內搜揚以寬行解同推應斯榮命會皇感作逆齊事拘纏寬便下獄待罪有來餉遺一不自資通給囚僧歡笑如昔後並配徒隸役于天路常令負土使裝滿籠盡力輦送初不懈息同役僧曰此無監檢當可小停寬曰業報如此何能自欺違心行事誠未安耳末又配流西蜀行達陝州有送財帛祖餞之者並卽散遣唯留一驢負經而已路次潼關流僧寶退者高解頑德足論徒步至蜀大發物情咸興敬悅時川邑虎暴行人斷

路或數百爲群經歷村郭傷損人畜中有王獸其頭最大五色純備威伏諸獸遂州都督張遜遠聞慈德遣人往迎寬乃令州縣立齋行道各受八戒當夕虎災銷散莫知所往時人感之奉爲神聖禮貌相仍或至十萬二十萬者皆卽散盡了無資已告施者曰財猶種子聚則難繁故爲散之令從用有在耳兼又輕生疎素獎服一經履御愛護之甚有過身肉時逢儉歲躬煮糜粥親惠饑餒銜泣說化令誦佛名又以所服衣之與氈或割或減用充貧乏貞觀之初還返蒲晉緇素慶幸歡詠如雲

屢建法筵重揚利涉時州部遇旱諸祈不遂寬爲置壇場以身自誓不降雨者不處堂房曝形兩日密雲垂布三日已後合境滂流民賴來蘓號爲一代佛日以貞觀十七年夏五月十六日卒于仁壽寺春秋七十有八釋慈藏姓金新羅國人其先三韓之後東方辰韓國也藏父名武林官至蘓判異北唐一品享高位而無後嗣幽憂每積素仰佛理乃求加護廣請大捨祈心佛法并造千部觀音希生一息後若成長願發道心度諸生類冥祥顯應夢星墜入懷因卽有娠以四月八日誕年過小學

神睿澄簡世數史籍略皆周覽會二親俱喪轉厭世華深體無常終歸空寂乃捐捨妻子第宅田園隨須便給子爾隻身投于林壑麤服草屨獨靜行禪時或弊睡遂居小室周障棘刺露身直坐動便刺肉懸髮在梁用祛昏漠物望所歸位當宰相頻徵不就王大怒勑往山所將加手刃藏曰吾寧持戒一日而死不願一生破戒而生使者懼之不敢加刃以事上聞王愧服焉放令出家任修道業卽又深隱外絕來往糧粒固窮以死爲命便感異鳥各啞諸果就手送與鳥于藏手就而共食時至

必爾初無乘候常懷戚戚慈哀含識作何方便令免生死遂于眠寐見二丈夫曰卿在幽隱欲爲何利藏曰唯爲利益衆生乃授藏五戒訖曰可將此五戒利益衆生藏于是出山一月之間國中士女咸受五戒又深惟曰生在邊壤佛法未弘自非目驗無由承奉乃啟本王西觀大化以貞觀十二年領門人僧實等十有餘人東辭至京蒙勅慰撫勝光別院厚禮殊供人物繁擁財事旣積賊者將取心顛自驚反來露過便受其戒有患生盲詣藏陳懺後還得眼由斯祥應從受戒者日有千計性

樂棲靜欣勑入山於終南雲際寺東懸崿之上架室居焉旦夕人神歸戒往還三夏常在此山將事東蕃辭下雲際見大鬼神其衆無數帶甲持仗云將此金輦迎取慈藏復見大神與之共鬪拒不許迎神語藏曰今者不死八十餘矣旣而入京蒙敕慰問賜絹二百疋用充衣服貞觀十七年本國請還啟敕蒙許引藏入宮賜衲一領雜綵五百段東宮賜二百段仍于弘福寺爲國設大齋大德法集并度八人又敕太常九部供養藏以本朝經像凋落未全遂得藏經一部并諸妙像旛花蓋具堪評紀正一切佛法須有規猷並委僧統藏令僧尼五部各增舊習更置綱管監察維持半月說戒依律懲除春

冬總試令知持犯，又置巡使遍歷諸寺，誠厲說法嚴飾。佛像營理衆業，鎖以爲常。又別造寺塔十有餘所，藏乃發願曰：「若所造有靈，希現異相，便感舍利在諸巾鉢。」大眾悲慶，積施如山，便爲受戒行善，遂廣又以習俗服章，華中外革藏，唯歸崇正朔。舉國咸遂，通改邊服，一准唐儀。

釋明尊姓姚，吳興人。幼叶雅調，與衆不群。隋末喪亂，二親崩歿，發心出家，意存護法。所在尋逐彌勒，戒檢以貞觀初，行達陳州，逢赦簡僧，唯留一導，以德聲久被，遂應

斯舉。雖蒙榮聞，意所遺之，乃嘆曰：「出家弘濟，豈滯一方？」乃翻然遠征，棄擲寺宇，至燦礪二師座下，餐稟幽奧，未盈涼暑，聲聞超挺。因令覆述，縱達無遺。學門義侶，莫不推挹。龍朔二年，道行夙彰，奉敕別住東都天宮寺。永德元年，上造老子像，敕送芒山，仍令洛下文物備列。時長吏韓季威，妄托天威，黃巾扇惑，私囑僧尼，普令同送。威遂勒州部二十二縣五衆，通集洛州，各事幢幡，尅日齊舉。導出衆對曰：「佛道二門，由來天絕邪？正位殊本自碩異，如何合雜？」雷同將引，既無別勅，不敢聞命。威大怒，曰：

是何道人輒拒國命乃使人脫導袈裟將行禁勅導曰
袈裟勅度所着非勅不可妄除無勅令僧送道所以不
違國命威怒曰道人有不送天尊者出導卽挺身獨立
預是僧尼同時總往導所威怒曰道人欲反導應聲語
六曹官人曰長吏總召僧尼唱反此則長吏自反衆僧
不反須告御史導等一時崩出威大忙懼降階屈節懇
謝而止因僧大集檢試度人天宮餉食過中乃至僧有
不量時景者取而進噉導曰諸大德並佛法遺寄天下
楷模非時之食對俗而噉公違法律現法滅緣冒妄聖

凡一至于此衆並愧之因索水清澈月餘不食悲慨正
法凋淪相及道俗苦勸方乃進餅年六十餘東夏英髦
一期咸集

釋道興姓劉本住秦州八九歲時常念出家年十九決
意詣大光寺僧衆愍之二親苦求衆爲解喻便許剃落
時天下大亂賊寇交橫死者山積興爲沙彌語諸徒曰
人身難得持戒第一母爲賊掠將去離城六十里興沒
命尋逐至已被傷未絕賊見曰此僧誠爲至孝逐母至
此便不盡命乃背負母還城城中咸恠賊路兇險何因

馬首傳抄

卷三

三

得返避難投蜀至河池縣逢贊皇公蒙被安慰送至梁州年滿進具常行蘭若頭陀乞食智舜律師當衢講匠依聽五遍便能覆述每有異見舜深奇之後還蜀川廣聽經論不爽光陰又于江禪師下稟受禪道以爲徵心要術自舜沒後接講律筵每講律部及發菩提心以此勵衆聽者垂泣四遠來投于時官府急切不許客住諸寺無停者咸來卽安撫寺主曰依官制不許何得停之興曰官不許容針私容車馬寺主豈不聞耶寺主大怒曰年少不用我語興曰此三寶也敬則見善嫌則感惡

寺主憤恚還房眼看袈裟不見又往三門王家會受飯謂言是血食人喻之竟不食返寺向興懺悔尋終行蘭若時鬼來惱亂興出繩床鬼退爲受三歸已爲禮佛名鬼亦隨禮貞觀中青城戴令來暮欲與興同房宿夜中眠驚走出房外云見一赤衣僧執杖打背云何因在此宿以火照背如三指大隱軫赤色因求悔過興遇疾甚聞室中音樂聲自此便差常禮千佛日別一遍承微三年玄奘法師送舍利令供養興獲已于房內立道場發正願曰若一生傳法并禮賢劫千佛如契聖心請放光

明如語一室並爲金色以顯慶四年月日終于福勝春秋六十有七

釋光儀姓李本唐宗室父瑯琊王與越王起兵欲復本朝中興帝道不克天后族誅之儀方在襁褓中乳母負之而逃後數年則天竊聞瑯琊有子在民間購之逾急乳母將至扶風界中鬻女工以自給儀年八歲狀貌不群神悟超拔乳母疑遭貌取而敗且極憂疑乃造布襦置錢于腰腹間於桑林下告之令去敕搜不慢吾慮俱死無益于事汝聰穎必可自立或一旦富貴無忘老姥

言迄對泣儀慟不自勝乳母從此而逝矣儀茫然行至逆旅日暮尋逕擬投村墅遇一老僧呼曰爾小子汝今一身家已破滅將奚所適儀驚愕佇立老僧又曰出家閑曠且無憂畏小子欲之乎儀曰素所願也老僧因携其手至大樹陰令禮十方佛歸依常住佛法僧已因削其髮又出袈裟以披服之小大稱其體其執持收掩猶如幾夏比丘老僧喜曰此習性使然善持僧行遂指東北曰去此數里有伽藍汝直詣彼謁寺主云我使汝爲其弟子也言畢老僧歿然亡矣方知聖僧也儀如言趨

彼寺主駭其言因留之經十年儀已洞明經律善其禪觀屬中宗卽位唐室復興敕求瑤琊王後儀方向寺僧言之時衆大駭因出詣扶風李使君卽儀之諸父也見之悲喜乃舍之于家方以狀聞固請不可使君有女年齒相侔一見儀而心悅願致情曲儀恐懼而避焉他日會使君夫人出其女靚粧麗服從者越多來而逼之儀固拒百端終不屑就給之曰身不潔請沐浴待命女許諾方令具湯沐女出因閉關女還排戶旣不得入自牖窺之方持削髮刀顧而言曰有于此根故爲慾逼今若

除此何逼之爲女懼止之不可遂斷其勢投之于地儀亦悶絕戶旣不開俄而使君夫人俱到女實情具告遂破戶視之漸癱命醫工昇歸蠶室以火燒地苦酒沃之坐之于上以膏傅之月餘瘡愈使君奏儀是瑤琊王子有勅命驛置至京引見慰問優賚豐洽詔襲父爵儀懇讓誓願爲僧確乎不拔中宗勅令領徒任置蘭若自恣化方儀性好終南山因居法興寺於諸谷口造庵寮蘭若凡數十處道聲馳遠談說動人或山行十里間繙索侍者常數千百人迎候瞻待儀恒居寂定或言將來事

以決吉凶必無差忒人益歸之開元二十三年六月二十三日囑累弟子當謹護身口勿事誼譁祖師意無別事靜則真法現前此外提唱皆不獲已言極激切因北首而臥枕肱右脇著席而亡

釋志賢姓江建陽人夙心剛整幼且成規既出家尋加戒品抗節修心不違律範大寶元年於本州佛跡巖承事道一禪師汲水拾薪惟務勤苦遊方見金華山赤松洞是黃初平叱石羊之地鬱林峻嶺泉湖百步許意樂幽奇旣棲巔頂野老負香粳蔬茹以供之時天大旱賢者繼至

釋圓觀居於洛宅率性疎簡或勤梵學而好治生獲田園之利時謂之空門猗頓此外施爲絕異且通音律大曆末與李源爲忘形之友源父愷居守天寶末陷于賊中遂將家業捨入洛城北慧林寺但日給一器隨僧衆

飲食而已如此三年忽約觀遊蜀青城峨眉等山洞求藥觀欲遊長安由斜谷路欲荆入峽爭此二途半年未決李曰吾已不事王侯不願歷兩京道觀曰行無固必請從子命遂自荆上峽行次南浦泊舟見數婦女條達錦襪負罌而汲觀俛首而泣曰某不欲經此者恐見此婦人也李曰自上峽來此徒不少矣獨泣爲觀曰其孕婦王氏者是某托身之所也已逾三載尙未解免唯以吾未來故今既見矣命有所歸觀死孕婦生焉李三日往看新兒襁抱就明果致一笑李泣具告王氏王

氏厚葬觀李常念杭州之約至期到天竺山寺其夜桂魄皎然忽聞葛洪井畔有牧童歌竹枝者乘牛扣角雙髻短衣徐至寺前乃觀也李趨拜曰觀公健否曰李公真信士我與君殊途慎勿相近君俗緣未盡但且勤修不墮卽遂相見李無由序語望之潛然觀又歌竹枝杳

林寺寓一室隨僧齋食釋玄素字道清姓馬潤州延陵人生有異度求歸釋門

父母從之出依淨域以如意年中始奉制度隸名於江寧長壽寺進具晚年乃南入青山幽棲寺因事威禪師伏形苦節寒暑不易貴賤怨親曾無喜愠時自之爲嬰兒行菩薩道王侯稽首不爲動搖顧世名利猶如幻焉忽一日有屠者來禮謁自生感悟懺悔先罪求請素明中應供乃欣然受之降詣其舍士庶驚駭稱異素曰佛性是同無生豈別但可度者吾其度之何異之有天寶之初吳越瞻仰如想下生楊州僧希玄請至江北竊而宵遁黑月難濟江波淼然持舟擬風俄頃有白光一道

引棹直渡通波獲全楚人相慶佛日再輝傾州奔赴會于津所人物拒道間無立位解衣投施積若山丘略不于其懷抱令悉充悲田之費

釋無著永嘉人識度寬明秉操貞確留神大道約志遊方抵京師雲華寺就澄觀法師研習華嚴之教大曆二年入五臺山欲觀聖人境界五月到華嚴寺掛錫于堂中啜茶見老僧寢陋據北床問曰子從南方來還賣數珠請看著乃躬度之廻視之間失僧之所于時神情微恍疑喜交生曰昔僧明入此覩石臼木杵後得入聖寺

獲見聖賢我願止此其爲快乎次由般若經樓見吉祥鳥羽毛蒨絢雙飛于頂上望東北鼓翼而去明日有白光兩穗入戶悠颺少頃同房僧法等見而驚惟言曰此何祥也願再現斷衆生疑尋覩光如前因往金剛窟望中致禮方坐假寐聞叱牛三聲云飲水一翁古貌瓌形服麤短褐曳麻履巾裹甚異著乃迎執其手問從何來翁曰山外求糧問在何地云求糧用在臺山翻質著云師何戾止答曰聞此有金剛窟故來隨喜翁曰師因耶答曰否曰旣不因憲何輒睡乎著曰凡夫昏沉胡可恠

哉曰師若昏沉可去啜煮舜翁指東北見精舍相距數步餘翁牽牛前行著躡躅而隨至寺門喚均提三聲童子應唯開闔年可十四五垂髮齊眉衣褐襦牽牛入寺見其地盡是瑠璃堂舍廊廡皆耀金色其間華靡非人間之制度翁踞白牙床指錦墩揖著坐童子捧二甌茶對飲畢擎玳瑁器滿中酥酪各賦一匙著咽之如有所證豁然悟宿事焉翁曰師出家來何營何慮乎答曰有修無證大小二乘染指而已曰未知初出家時求何心著云求大乘菩提心曰師以初心修卽得又問齒鴟幾

何云三十一翁云師年三十八其福根荄植此地而榮茂且徐徐下山好尋道路勿傷厥足吾年老朽從山外來困極欲偃息也著曰請寓一宵可乎曰不可緣師有兩伴相隨今夜不見師歸憂愁曷已此乃師有執情在著曰瞿曇弟子有何執處雖然有伴不顧戀他又問持三衣否曰受戒已來持之曰此是封執處著曰亦有聖教在若許住宿心念捨之脫有強緣佛故聽許曰若依小乘無難不得捨衣宜從急護翁拂襟投袂而作著亦趨行翁曰聽吾宣偈一念淨心是菩提勝造恒沙七寶

塔寶塔窪盡碎爲塵一念淨心成正覺著俯聽凝神謝曰蒙宣密偈若飲醍醐容入智門敢忘指決翁喚均提可送師去臨行拊背曰好去著再折腰與童子駢肩齊步至金剛窟反問著云伊何窟乎曰先代相傳名金剛窟童子曰金剛下有何字著惟付少選曰金剛下有般若童子院爾適入者般若寺也著携童子手揖顧而別童子瞠目視著如欲吐辭著曰送我可以言代縞帶與玉玦乎童子遂宣偈授云面上無瞋供養具口裏無瞋吐妙香心裏無瞋是珍寶無染無垢是真常偈終恍惚

之間童子及聖寺俱滅唯見山林土石悵悵盈懷歔欷不已。

釋豐干剪髮齊眉布裘擁質人或問止對曰隨時二字而已更無他語嘗乘虎直入松門衆僧驚懼口唱道歌衆皆宗重後于先年中在京兆行化相類風狂言則多中先是國清寺僧廚中有二苦行曰寒山子曰拾得多于僧厨執囊訖二人晤語潛聽者多不體解時間丘胤出牧丹丘將議巾車苦頭疼醫工寡効干造云某自天台來謁使君丘告之患干曰君何慮乎便索淨器

呪水噴之斯須覺體中頗佳間丘異之乃請干一言定此行吉凶干曰到任記謁文殊間丘曰此菩薩何在曰國清寺厨執囊洗器者是及入山寺問曰此寺曾有豐干禪師曰有院在何所寒山拾得復是何人時僧道超對曰豐干舊院卽經藏後今聞無人止有虎豹時來此哮吼耳寒拾二人見在僧厨執役間丘入干房唯見虎跡縱橫又問干在此有何行業曰唯事春穀供僧粥食夜則唱歌諷誦不輟如是再三歎嗟乃入厨見二人燒柴木有圍爐之狀間丘拜之二人連聲咄吒後執間丘

手裹之若嚙孺呵呵不已行曰豐干饒舌自此二人相携出松門更不復入寺焉

寒山子者風在之土隱天台始豐縣西七十里號爲寒
瞻二巖每于寒巖幽窟中居之以爲定止時來國清寺
有拾得者寺僧令知食堂恒時收拾衆僧殘食菜滓斷
巨竹爲筒投藏于內若寒山子來卽負而去或廊下徐
行或時呼噪凌人或望空叟罵寺僧不耐以杖逼逐翻
身撫掌呵呵徐退然發辭氣歸于佛理初間丘入寺訪
問寒山沙門道超驚曰大官何禮風在夫耶二人連臂
笑傲出寺間丘復往寒巖謁問并送衣裳藥物而高聲
倡言曰賊我使身縮入巖石穴縫中復曰報汝諸人各
努力其石穴縫民然而舍杳無踪跡乃令僧道超尋
其遺物唯於林間綴葉書詞頌并村墅人家屋壁所抄
錄得二百餘首今編成一集人多諷誦後曹山寂禪師

注解謂之對

寒山

拾得者豐干禪師先是偶山行至赤城道側聞兒啼遂
尋之見一子可數歲已來初謂牧牛之豎委問端倪云
無舍孤棄豐干携至國清寺付與典座僧或人來認必
可還之後沙門靈熠攝受之令知食堂香燈忽于一日
見其登座與像對坐而泣復呼橋陳如曰小果聲聞傍
若無人跳節大笑僧乃驅之靈熠咨尊宿等罷其堂任
且令厨內涤器洗濯纔畢澄瀘食滯以筒盛滯仰寒山
來負去又護伽藍神廟毎日僧厨下食爲烏鳥所取狼
藉拾得以杖扑土偶三二下罵曰汝食不能護安護伽
藍乎是夕神附夢與閻寺僧曰拾得打我明日諸僧說
夢符同一寺紛然始知非常人也時牒申州縣郡符下
云賢士隱遁菩薩應身宜用旌之號拾得爲賢士又于
寺莊牧牛歌詠呼天當其寺僧布薩時拾得驅牛至僧
集堂前倚門撫掌大笑曰悠悠者聚頭時持律首座咄
曰風入何以喧得說戒拾得曰我不放牛也此群牛者
多是此寺知僧事人也拾得名呼牛僧法號牛各應聲
而過舉衆錯愕咸思改往修來感菩薩垂跡度脫時道
超纂錄寒山文句于寺土地神廟壁見拾得偈詞附寒

山集

釋遺則姓長孫京兆長安人則弱不雜俗恬恬終日而無所營始從張懷瓘學草書獨盡筆妙雅耽經史猶樂佛書一朝捐家業從牛頭山六祖慧忠傳忠之道精觀久之以爲天地無物也我無物也雖無物未嘗無物也遂南遊天台至佛窟巖蓋薜荔薦落葉而尸居飲山流飯木實而充虛虎豹以爲賓麋鹿以爲徒兀然如枯其後剗木者見之轉相告有慕道者曰道者未有子弟率爲築室圖佛安僧蔚爲精舍元和已來傳則道者又

自以爲佛窟學

釋天然少入法門謁見石頭禪師躬執囊三年始遂落飾後於嶽寺希律師受戒法造江西大寂應答雅正大寂甚奇之次居天台華頂二年又禮國一大師元和中上龍門香山與伏牛禪師爲物外交後於慧林寺遇大寒然乃焚木佛像以禦之人或譏之曰我茶毗舍利曰木頭何有然曰若爾者何責我乎元和三年晨過天津橋橫臥會留守鄭公出呵之不去乃徐仰曰無寺僧留守異之乃奉束素衣兩襲月給米麵洛下翕然歸信至

十五年春言吾思林泉乃入南陽丹霞山結庵以長慶四年六月告門人曰備沐浴吾將欲行矣乃戴笠策杖入履垂一足未及地而卒春秋八十六劉軻撰碑敕謚智通塔號妙覺

釋齊安姓李實唐帝系深避世榮終祕氏族安在胎母夢日兆祥既誕而神光下燭數歲有異僧欵門召見摩頂曰鳳穴振儀龍宮藏寶紹終之業其在斯乎及卯角亟請出家父母順從遂依本郡雲琮禪師年滿登具乃詣南嶽智嚴律師外檢律儀內照實相後聞南康龔公

山大寂禪師隨化度人累足振錫一日造焉大寂歎其相依持論不倦及其既去安盡力送終元和末安春秋已逾七十而遊越之蕭山法樂寺時海昌有法聰者緇林翹楚於放生池墉廢地肇葺禪居請安主之四海叅學者屢至道化之盛翕然推伏安懸知宣宗皇帝隱曜緇行將來法會預誠知事曰當有異人至此禁雜言止橫事恐累佛法明日行腳僧數人參禮安默識帝遂令維那高位安置禮殊他等安每接談話益知貴氣乃曰貧道謬爲海衆圍繞患齋不供就上座邊求一供疏帝

爲操翰據辭安覽驚悚知供養僧賚去所獲豐厚殆與常度不同乃語帝曰時至矣無滯泥蟠囑以佛法後事而去帝本憲宗第四子穆宗異母弟也武宗恒憚忌之沉之於宮廁宦者仇公武潛施拯護俾髡髮爲僧縱之而逸周遊天下險阻備嘗武宗崩左神策軍中尉楊公諷宰臣百官迎立聞安已終愴悼久之勅謚悟空以御詩追悼建塔焉

釋唯儼姓韓絳縣人童齡慷慨敏俊逸群年十七雍榮慧照禪師大曆八年納戒於衡嶽希潔律師所乃曰大

丈夫當離法自淨焉能屑屑事細行于布巾耶遂謁石頭禪師密證心法住藥山焉一夜明月陟山巔大笑一聲聲應灤陽東九十許里其夜灤陽人皆聞其聲盡云是東家明辰展轉尋問直至藥山徒衆云昨夜和尚山頂大笑是歟自茲振譽遐邇宣傳元和中李翹爲考功員外郎坐李景儉謫出爲朗州刺史翹閑來謁儼遂成警悟又初見儼執經卷不顧侍者白曰太守在此翹性褊急乃倡言曰見面不似聞名儼乃呼翹應唯曰太守何貴耳賤目翹拱手謝之間曰何謂道耶儼指天指淨

餅曰雲在青天水在餅飄干時暗室已明疑水頓半尋
有偈云鍊得身形似鶴形千株松下兩函經我來相問
無餘說雲在青天水在餅又偈選得幽居愜野情終年
無送亦無迎有時直上孤峯頂月下披雲笑一聲儼于
大和二年合掌而寂

釋恒政姓周平原人未入法前幼入鄉校見佛經耽味
不捨就本州延和寺詮澄法師受誦經法既登戒已問
道于嵩少決了無壅遺跡三峰放蕩自在無幾入太一
山中甫行風教學人燈慕太和中文宗皇帝酷嗜蜃蛤

一日御饌中盈柈而進有擘不張呀者帝觀其異卽焚
香祝之俄爲菩薩形梵相克全儀容可愛遂至于金粟
檀香合以玉絲錦覆之賜與善寺致禮始宣問群臣斯
何瑞也相國李公德裕奏曰臣不足知惟知聖德昭應
其諸佛理聞終南山有恒政禪師大明佛法博聞強識
詔入宣問政曰貧道聞物無虛應此乃啟沃陛下之信
心耳故契經中應以此身得度者卽現此身而爲說法
帝曰菩薩身已見未聞說法政曰陛下覩此爲常非常
耶信非信耶帝曰希奇事朕深信焉政曰陛下已聞說

法了皇情悅豫得未曾有敕天下寺院各立觀音像以答殊休因留政內道場中累辭入山宣住聖壽寺至武宗卽位忽入終南或問其故曰吾避仇烏可已乎哉後終山舍年八十七開維收舍利四十九粒以會昌三年九月四日入塔

船子德成節操高邈度量不群自印心于藥山與道吾雲巖爲同道交泊離藥山乃謂同志曰公等應各據一方建立藥山宗旨余率性踈野惟好山水樂情自遣無所能也他後知我所止之處若遇靈利座主指一人來

或堪雕琢將授生平所得以報先師之恩遂分至秀州華亭泛小舟隨緣度日以接四方往來人莫知其高蹈因號船子和尚道吾後到京口遇夾山上堂僧問如何是法身山曰法身無相曰如何是法眼山曰法眼無瑕道吾不覺失笑山便下座請問適來祇對這僧話必有不是致上座失笑望不客慈悲吾曰和尚一等是出世未有師在山曰甚處不是望爲說破吾曰不須說請和尚卻往華亭船子和尚處去山曰此人如何吾曰此人上無片瓦下無卓錐和尚若去須易服而往山乃散衆

束裝直造華亭。船子纔見便問大德住甚麼寺。山曰寺卽不住。住卽不似。師曰不似似個甚麼。山曰不是目前法師。曰甚處學得來。山曰非耳目之所到。師曰一句合頭語。萬劫繫驢橛。師又問垂絲千尺意在深潭離鉤三寸子何不道。山擬開口被師一撓打落水中纔上船。師又曰道道山擬開口。師又打山豁然大悟。乃點頭三下。師曰竿頭絲線從君弄不犯清波。意自殊。山遂問拋綸擲釣。師意如何。師曰絲懸綠水浮定有無之意。山曰語帶玄而無路。舌頭談而不談。師曰釣盡江波金鱗始遇。

山乃掩耳。師曰如是如是。乃囑曰汝向去直須藏身處。沒踪跡。沒踪跡處莫藏身。吾二十年在藥山祇明斯事。汝今旣得。但向深山裏鑊頭邊覓取一個半個接續母令斷絕。山乃辭行。頻頻回顧。師遂喚閻黎。山乃回首。師竪起桃子曰汝將謂別有。乃覆舟入水而逝。

九峯道晏禪師時石霜慶諸禪師歸寂衆請首座繼席。九峯曰須明先師意始可座。曰先師有甚意。峯曰先師道休去歇去。冷湫湫地去。一念萬年去。寒灰枯木去。古廟香爐去。一條白練去。其餘卽不問。如何是一條白練。

去座曰這個祇是明一色邊事峯曰元來未會先師意在座曰你不肯我那但裝香來香烟斷處若去不得即不會先師意遂焚香香烟未斷座已脫去峯拊座背曰坐脫立亡卽不無先師意未夢見在

釋鑑空姓齊吳郡人少小貧苦惟勤于學元和初遊錢塘屬其荒儉乃議求餐于天竺寺至孤山寺西餓甚不前因臨流雪涕悲吟數聲俄有梵僧臨流而坐顧空笑曰法師秀才旅遊滋味足未空曰旅遊滋味則已足矣法師之呼一何乖謬蓋以空未爲僧時名君房也梵僧曰子不憶講法華經於同德寺乎空曰生身已四十五歲盤桓吳楚間未嘗涉京口又何洛中之說僧曰子應爲餓火所燒不暇憶故事遂探囊出一棗大如拳許曰此吾國所產食之者上智知過去未來事下智止於知前生事耳空饑極食棗掬泉飲之忽欠呻枕石而寢頃刻乃悟憶講經于同德寺如昨日焉因增涕泣問僧曰震和尚安在曰專精未至再爲蜀僧矣今則斷攀緣也神土人安在曰前願未滿悟法師焉在曰豈不記香山石像前戲發大願乎若不證無上菩提必願爲赴赴貴

臣昨聞已得大將軍矣當時雲水五人唯吾得解脫獨汝爲凍餒之事也空泣曰某四十許年日唯一餐三十餘年擁一褐浮俗之事決斷根源何期福不完坐于饑凍僧曰由師子座上廣說異端使學空之人心生疑惑戒珠曾缺羶氣微存聲渾響清終不可致質個影曲報應宜然空曰爲之柰何僧曰今日之事吾無計矣他生之事警于吾子焉乃探鉢囊取一鑑背面皆瑩徹謂空曰要知貴賤之分修短之期佛法興替吾道盛衰宜一鑒焉空覽照久之謝曰報應之事榮枯之理謹知之矣

僧收鑑入囊遂挈而去行十餘步旋失所在空是夕投靈隱寺出家受具足戒後遊名山愈高苦節。釋恒超姓馮范陽人祖父修儒而家富巨萬超生而聰慧年十五早通六籍猶善風騷忽一日因閱佛經洗然開悟乃歎曰人生富貴喻等幻泡唯有真乘可登運載遂投駐蹕寺出俗晝夜進修而屬師亡遵釋氏喪儀守禮無怠梁乾化三年住五臺山受木叉戒由是遠求名匠阻兩河間乃止于本州魏博并汾之間學大小乘經律論計七本龍德二年掛錫于無棣超曰此則全齊舊

壞繃魯善鄰遂止開元伽藍東北隅置院講諸經論二十餘年宣導各三十餘徒齊魯之間造秀不遠數百里造其門以詰難諸公一覩超容傍聽議論叅乎子史證以教宗或問因明超答以詩一首辭新理妙皆悉歎降時郡守李君素重高風欲飛章舉賜紫衣超聞驚愕遂命筆爲詩云虛著褐衣老浮杯道不成誓傳經論死不染利名生獸樹遮山色憐窓向月明他時隨范蠡一棹五湖清李君復令人勸勉願結因緣超確乎不振釋法懶姓梅南陽新野人八歲出家卓然神秀正性貞

潔身形如玉蔬藿是甘無求滋饌及長成立風操逾塵淨施厚利相從歸給並廻造經藏三千餘卷備窮記論年二十五東遊嵩嶽西涉武當所在通道惟居宴默因至襄陽傘蓋山白馬泉築室方丈以爲棲心之宅入谷兩所置蘭若舍初梁晉安王來都襄雍承風來問將至禪室馬騎將從無故却退王慙而返夜感惡夢後更再往馬退如故王乃潔齋躬盡虔敬方得進見初至寺側但覩一谷猛火洞然良久竚望忽變爲水經停傾仰水滅堂現以事相詢乃知爾時入水火定也堂內所坐繩

床兩邊各有一虎王不敢進聰乃以手按頭著地閉其
兩目召王令前方得展禮因告境內多被虎災請求救
援聰卽入定須臾有十七大虎來至便與受三歸戒赦
勿犯暴百姓又命弟子以故衣繫諸虎頸滿七日已當
來于此王至期日設齋衆集諸虎亦至便與食解布遂
爾無害其日將王臨白馬泉內有白龜就聰手中取食
謂王曰此是雄龍又臨靈泉有五色鯉亦就手食云此
雌龍王與群吏嗟賞其事大施而旋有凶黨左右數十
人夜來劫所施之物遇虎哮吼遮遏其道又見大人倚

立禪室傍有松樹止至其膝執金剛杵將有守護遂表
奏聞杖徐擣就所住處造靈泉寺聰住禪堂有白鹿白
雀馴伏栖止行往所及慈救爲先忽遇屠者驅猪百餘
頭聰三告曰解脫首楞嚴猪遂繩解散去諸屠大怒將
事加手並仡然不動便歸過悔罪因斷殺業又于漢水
漁人牽網所如前三告引網不得方復歸心空網而返
又荆川苦旱長沙寺遣僧至聰所請雨使還大降陂池
皆滿高祖遣廬陵王重請下都確乎不許後至廬阜驃
騎威王因從受戒勸請還臺聰志存虛靜潛泝西上遁

隱荆部神山湘東王承聞馳駕山門，伸師襄之禮，頻請下都。固辭不許。武陵上蜀，從受歸戒。及宣帝末臨，亦同前敬聽。每入道場，必涕泗翹仰。普賢授記，天花異香，音樂冥發。以梁大定五年九月無疾而化。

釋貞辯，中山人。少知出塵，長誓修學。暇則刺血書經，又鍼血畫立觀自在像。慈氏像等，嘗因行道困息，有二天女來相撓惱。辯誓之曰：「我心匪石，以神呪刲之。」自此道勝魔亦無蹤。辯負笈抵太原城，聽習時中山王氏與後唐李氏封境相接處，其覘間者，并州城內不容外僧。辯

由此驅出，遂于野外古塚間宿會。武皇帝畋遊，塚在圍場中。辯固不知，方將入城赴講，見旌旗騎卒縮身還入穴中。武皇疑令擒見，問其故，遂驗塚中敷草座案硯疏鈔羅布，遂命入府供養。時曹太后深加仰重，辯訴于太后曰：「止以學法爲懷，久在王宮，不樂如梏械耳。」武皇縱其自由，乃成其業。

釋妙普，號性空。漢州人。久依黃龍死心密受心印，品格高古，氣宇宏邁。因慕船子遺風，抵秀水結庵于青龍之野，別無長物，唯吹鐵笛以自娛。好吟咏，嘗賦山居詩云：

心法雙忘。猶隔妄色塵不二。尙餘塵百鳥不來。春又過。
不知誰是住庵人。示衆偈曰。學道猶如守禁城。晝防六
賊夜惺惺。中軍主將能行令。不動干戈治太平。宋建炎
初。賊徐明叛。道經烏鎮。肆意殺戮。民懼逃亡。普聞嘆曰。
衆生塗炭。吾盍救之。乃荷策而行。直詣賊所。賊見偉異
疑。必奸詭。詢其來處。答曰。禪者。問何所之。云。往密印寺
也。賊怒。欲斬普。曰。大丈夫。要頭便取。奚以怒爲。吾死必
矣。願得一飯。以爲送終。賊奉肉。普供佛出生。如常儀。曰。
孰當爲我文以祭。賊笑不答。普索紙筆大書曰。嗚呼。唯

靈。勞我以生。則大塊之遇。役我以壽。則陰陽之失。乏我
以貧。則五行不正。困我以命。則時日不吉。吁哉至哉。賴
有出塵之道。悟我之性。與其妙心。則其妙心。孰與爲隣。
上同諸佛之真化。下合凡夫之無明。纖塵不動。本自圓
成。妙矣哉。妙矣哉。日月未足以爲明。乾坤未足以爲大。
磊磊落落。無罣無礙。六十餘年。和光混俗。四十二曆。逍
遙自在。逢人則喜。見佛不拜。筭矣乎。筭矣乎。可惜少年
郎。風流太光彩。坦然歸去。付春風。體似虛空。終不壞。尙
饗。遂舉筋飲肉。賊徒大笑。食罷曰。劫數既遭離亂。我是

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

快活烈漢如今正好乘時便請一刀兩段乃大呼斬斬
 賊駭異稽首謝過令衛而出於是民之廬舍少長無恙
 僧問既見佛爲甚不拜普掌之曰會麼曰不會又掌曰
 家無二主紹興冬自造大盆鑿穴塞之修其書寄雪竇
 持禪師曰吾將水葬矣壬戌持至普尚存乃作偈嘲曰
 咄哉老性空剛要餽魚鱉胡不索性去只晝向人說普
 箴曰遲兄證明耳徧告遐邇衆集普示法要說偈曰坐
 脫立亡不若水葬一省柴燒二免開墳撒手便行不妨
 快暢是誰知音船子和尚高風難繼百千年一曲漁歌

少人唱遂趺坐盆中口吹鐵笛順潮而下衆皆隨至海
 濱普去塞其水洄漩衆擁觀水涓滴不入乃乘流而
 住歌曰六十餘年返故鄉沒踪跡處妙難量真風徧寄
 知音者鐵笛橫吹作散場人望目斷尚聞笛聲嗚咽于
 苍茫之間遙見以笛擲空而沒衆號泣競圖像事之後
 三日見于沙上趺坐如生道俗迎歸留五日闔維舍利
 大如赦有二鶴徘徊空際火盡始去塔于青龍庵
 釋了性號大林武氏子也宋武公之後以謚爲姓少卽
 好學聰睿天啟初依安和尙薙髮登具戒歷諸講席精

究三藏後遇真覺國師啟廸厥心旣而周遊關陝河洛
襄漢訪諸耆德如栢林潭關輔懷南陽慈諸公皆以賢
首之學著稱一時性悉造門領旨及歸復從真覺至五
臺未幾真覺化去遂北遊燕薊晦迹魏闕之下優遊江
海之上與世若將相忘成宗徵居萬寧聲價振蕩内外
至大間太后歿寺臺山曰普寧延居爲第一代足跡不
入城隍不謁權貴人或忌之性聞嘗曰予本以一介苾
芻蒙天子處之以巨利惟乃夙夜弘法匪懈圖報國恩
不暇餘復何求雖有藏倉毀沮之言其如青蠅止棘樊

耳顧予命之不遭道之不行則納履而去何往而不可
也時元世因尊寵西僧其徒衆甚盛出入騎從擬若王
公天下名德諸師莫不爲之致禮師惟長揖而已顧謂
衆曰吾聞君子愛人以禮何可屈節自取卑辱苟爲之
屈非謔則佞識者高尙其義至治改元九月三日示寂
塔于竹林之墟謚曰弘教

釋大同字一雲越之上虞王氏子父友樵母陳氏姪十
月父晝坐堂上忽見龐眉異僧振錫而入父起揖曰和
尙何來曰崑崙山竟排闥趨內急追聞房中兒啼聲父

笑曰吾見得非再來者乎母歎曰是子般若種也命入會稽崇勝寺薙髮聞春谷法師講清涼宗旨往依之盡得其傳又謁古懷肇公精四法界觀因春谷移至寶林乃謂師曰子之學精且博矣恐滯心于龜執但益多聞縛于知見誠非見性之本宜潛修而滌之于是命出錢塘謁晦機熙禪師見其揮麈之間師之夙習見聞一時蕩絕惟存孤明耿耿自照如是者閱六寒暑晦機深嘉其志又聞天目中峯法道之盛往參便有終焉之意中峯一日召而勉曰賢首一宗日遠而日微矣子之器量

足以張之母久滯此特書偈讚清涼像付以遣之師大喜曰吾今始知萬法本乎一心不識孰爲禪又孰爲教也還寶林復侍春谷且告中峯之意谷隨命分座講雜華經時宋官徐天祐王易簡相與崇獎聲光煥著郡守范公憐春谷臘高欲風之讓席乃設伊蒲親與師言師毅然動容曰其所貴乎道者在師弟之分耳分明可以垂訓後學苟乘其耄而攘其位豈人之所爲哉明公固愛我使陷于名義實傷之也范不覺避席謝曰吾師誠非常人豈吾所能知也延祐初出主蕭山淨土寺次遷

景德元命住嘉禾之東塔隨改寶林乃放終南草堂故事闢幽舍招來俊人故天下學者莫不擔簷躡屩集其輪下至正初賜佛心慈濟妙辯之號併金襴僧伽衣元臣泰不華守越苦旱力請師禱師爇臂香于玄度塔下雨卽大澍至太祖高皇帝御極設無遮大會于鐘山召師入見武樓師時年八十免拜跪次日賜宴禁中事竣賜內庫白金數鑑并珍物榮其歸師持律甚嚴一鉢外無長物惟有書史五千餘卷洪武二年十二月內示微疾次年季春十日登座說法辭衆歸方丈端坐而化世

壽八十二僧臘六十有五闍維徵異甚多建塔于竹山所著有天柱稿寶林類編各若干卷

釋慧日號東冥天台賈氏子卽宋相賈似道之諸孫及似道責成師尙幼志求出家依縣之廣嚴寺平山和尚落髮受具年二十二聞栢子庭講台教于赤城師趨座下未幾能領大義子庭歎曰投丸于峻坂不足以喻其機之疾也吾道藉子大昌乎一日假寐恍見竹橫地下竹上凝者白粥粲然師臥地食之旣覺言于子庭庭爲解曰竹與粥同音子得就地而食殆非緣在上下天竺

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

乎于是渡錢塘謁竹屋淨法師于上竺命典客寮掌堂僧籍竹屋化去時湛堂澄公繼其席延師居後堂年餘出主吳山聖水元至正四年住薦福歷三稹下天竺災元臣高納麟請師新之寺宇告成王潛爲之記四年遷上竺師知緣在夙夜罔怠凡寺中所制一重緝之元順帝聞特賜慈光妙應普濟之號併金襴衣以徵之十六年退隱于會稽巖壑間人無識者元相達識帖穆爾遣使物色得之力請還山凡兩住上竺二十五年至於明朝太祖洪武二年詔赴蔣山佛會命禮部給饌明日召

見奉天殿百僚咸集僧若魚貫惟師臘最高朱顏白眉班居前列上親問昇濟沉冥之道師備奏稱旨太祖顧謂僧衆曰邇來學佛者惟飽餐優遊沉埋歲月如金剛楞伽心經皆攝心之要典何不研窮其義今有不通者當質諸白眉法師自後召見太祖但以白眉呼之而不名也嘗與別峯同法師金碧峯禪師輩賜食禁中因奏瓦棺寺隋知者大師釋法華之所不可廢太祖命就天鍾山建水陸大齋命師說毘尼戒太祖親率百僚臨聽

事峻辭歸上竺謝院事日修彌陀懺以臻淨業十二年秋七月一夕夢青蓮花生方池中芬芳襲人寤告衆曰吾生淨土之祥見矣後四日趺坐合掌而寂世壽八十九僧臘七十三越十日奉全身藏于寺之西峰妙應塔院

釋應能爲姓楊實建文君也太祖之嫡孫懿文太子之長子封皇太孫諱允炆生時頑頗偏太祖撫之曰半邊月兒及讀書甚聰穎一夕懿文太子與侍太祖命新月詩太子吟云昨日嚴陵失釣釣誰人移上碧雲頭雖

然未得團圓相也有清光徧九州太孫吟云誰將玉指甲掐破上天痕影落江湖裏蛟龍不敢吞太祖覽之不悅益未得團圓影落江湖皆非吉兆洪武三十一年太祖大漸乃授以小篋封鑰甚密戒於急難方開是年五月十六日卽位年二十有三明年改元建文召方孝孺爲翰林侍講直文淵閣日講周官禮變更太祖舊制于是諸王多不遜服乃曲加恩禮侍讀太常卿黃子澄兵部尚書齊泰議削諸王之權謀者先燕命侍郎張昺都指揮使謝貴察燕動靜遂逼燕起靖難師南討黃齊建

文四年六月十三日破金川門。帝縱火焚宮殿。太祖遣
筮視之。得楊應能度牒。剃刀袈裟。緝服。遂削髮。自御溝
出遁。雲遊四方。自湖湘入蜀。雲南復閩。入廣西。橫州南
門壽佛寺居十五年。陞座演法。歸者甚衆。所至成大法。
席人不知是帝也。復往南寧。居一蕭寺。衲子雲集。師爲
隨緣開示。一衆歡然。久之至恩州。立于當道。值知州
出。從者呵之。師言我是建文皇帝也。自滇歷閩至此。今
老矣。欲送骸骨歸帝鄉。巡按御史聞于朝。賜號老佛。命
驛送至京師。乃賦詩云。流落江湖四十秋。歸來不覺雪

盈頭乾坤有恨家何在江漢無情水自流長樂宮中雲
影暗昭陽殿雨聲愁新蒲細柳年年綠野老吞聲哭未
休及至京朝廷未審虛實以太監吳亮曾經侍膳使審
之師見亮卽呼曰汝非吳亮耶曰不是師曰我昔御便
殿曾棄片肉于地汝伏地餌食之何得忘也亮稽首大
慟已而取入西內供養卒于宮中

釋達觀句曰沈氏子十七剃髮遊方聞誦張拙偈至斷除妄想重增病趨向真如亦是邪大疑一日齋次忽悟乃曰使我在臨濟德山座下一掌便醒安用如何若何

遊京師因神宗皇帝手書金剛經汗下清紙疑更當易函遣近侍質師師進偈曰御汗一滴萬世津梁無窮法藏從此放光帝大悅癸卯秋忽妖書發帝見章奏甚憐之法不能免因逮及拷訊時神色自如抵死不屈曆月五日入獄法司定罪論死師說偈曰一笑歸來別有因那知大塊不容塵從茲收拾娘生足鐵櫈花開不待春

索浴罷囑侍者曰吾去矣幸謝江南諸護法

說偈于五臺山累載藏經板至徑山重刻書本傳發楞嚴寺流通洵莫大之功也

說偈端坐而逝

說偈于五臺山累載藏經板至徑山重刻書本傳發楞嚴寺流通洵莫大之功也

釋憨山德清金陵全椒蔡氏子母感異夢而生年十二

禮京之報恩西林師雍髮十九受具聽講華嚴十五門至海印森羅常住處有得遂遊方與妙峰爲友初叅遍融乞指示融默然直視以接之尋閱肇論至梵志出家白首而歸隣人見之曰昔人猶在耶志曰吾猶昔人非昔人也忽悟乃曰今日始知鼻孔向下時妙峰見之喜曰何所得耶師曰夜來兩箇鐵牛闖入水中去也至今絕消息峰笑曰且喜有住山本錢又叅笑巖巖問你從何處來曰南方巖曰記得來時路否曰一過便休巖曰子却來處分明師便禮拜住東海牢山聞望籍甚皇太

卷之三

卷之三

卷之三

后李特禮殷重焉後遭無妄之謗假道士奏論于神宗皇帝朝中宰輔多深惜師遂蒙聖旨矜察坐以私創寺院遣戍雷州至韶陽禮祖偈曰曹溪滴水自靈源流入滄溟浪拍天多少魚龍爭變化源頭一脉尚冷然越十一年丙午皇長孫生恩赦免戍復留曹溪往來端州九載始還僧服丙辰冬過江右之雙徑爲達大師秉炬稻素駢集山谷爲之喧動後抵匡山韶陽郡守力請居曹溪師曰曹溪是吾昔日所欲修緝也遂杖錫遍行虔嶺吟曰五雲一望入南安萬疊千洞六六灘行到水窮

山盡處梅花無數領頭看。越明年癸亥忽告衆曰緣與時違化將焉托一期事畢吾將歸矣索浴更衣端坐而逝塔全身于韶之南華寺南二里天子岡迎歸匡山歷二十餘載地濕蟲蟻半蝕其龕請歸曹溪途中弟子輩因龕縫覩師狀貌如生髮爪俱長以金漆其身造寺供養稱肉祖云。

釋雪嶠圓信鄞縣朱氏子二十九歲出家行腳無有人處後訪秦望山妙禎山主主舉他心僧因緣一僧叅曰那裏來僧曰天竺來他心曰我聞有三天竺你那一竺

來速道速道師自是疑情頓發次日曳杖至石頭上高
提曰那一竺來速道速道忽前後際斷返天台擡頭見
古雲門三字大悟途中作偈曰一上天台雲更深腳根
踏斷草鞋繩比丘五百無踪影見得他時打斷筋因入
雙髻誅茅次參雲棲龍池出世日拈香供雲門匡真偃
禪師後東塔開堂又供龍池示疾書偈曰小兒曹生死
路上須逍遙皎月冰霜曉吃杯茶坐脫去了塔全身干
雲門

萬如禪師語云身心一如身外無餘人間天上本無所

拘卽此物非他物南北東西毫不差千聖從來同一脉
若也向外苦馳求奔到驢年恐未歇回光反照無多子
黃檗棒頭曾漏泄知音須是個中人不是知音莫饒舌
德山入門便棒臨濟入門便喝截斷諸方爛葛藤指出
當人活潑潑貴乎直下便承當佛祖直教眼裏屑祇如
直指本分一句作麼生道夜半碧雲籠古殿天明海岸
送金鳥

釋林野姓蔡長樂人生卽絕腥依本里金鍾寺道然本
然兩叔出家志存釋典離蜀之江南入講肆大明天啟

丁卯息肩當湖會毛俞諸公于德藏齋頭談楞嚴卽留掩關閱藏適友送密雲師語錄展卷至叅禪偈曰一念未生前試看底模樣頓覺疑情猛發寢食俱亡至庚午春客老人過當湖因遣護關子傳話囑云教他關中莫妄想此心益疑不覺失足墮樓如夢忽覺便會一念未生前的道理遂破關走姑蘿見密師于清涼庵力爲叅究時老人舉世尊初生便解指天指地汝諸人猶向老僧擬討甚麼碗拽柱杖一時打散自此全身脫落深徹捧喝之旨乙亥冬于素履黃公園中付拂

釋通乘號石車金華朱氏子二十六歲依天真爲僧雲門稟具閱六祖不思善公案有省遍參知識後謁天童於金粟童問那裏來師曰雲門童曰幾時起身師打圓相童曰莫亂統師曰千里同風今日特來親領痛棒童曰旣千里同風又來作麼師翹左足童曰未在師翹右足童曰錯也師曰風吹別調中童休去入室次童舉手曰我手何似佛手師拂袖便出次繼席金粟上堂諸佛出世爲一大事因緣達磨西來指人見性成佛金粟不出世爲老婆禪祇要諸人捧下見血若也恁麼會得觸處逢

卷之三

卷之三

三

三

渠織毫不立。垂手人間和光化物。既然觸處逢渠。且道渠是阿誰。毫釐有差。天地懸隔。喝一喝。

釋通恐號朝宗。常州陳氏子弱冠出家。謁天童於金粟。茫無所入。遍禮諸方。後隨童赴育王。請寺碑。有刻大千禪師垂語云。山中猛虎。以肉爲命。何故不食其子。被童逼拶。坐臥不安。經兩日。暮然除去鯁胸之物。趨見童下語曰。惟人自肯。乃方親。童曰。亦未在。師笑曰。和尚只做得大千兒孫。便出已。而聞童自答曰。自肉食不盡方省悟。未在之旨。住後上堂。僧問狗子佛性。趙州因甚道無。

山高聲曰。將拄杖來。師遙應曰。劍去久矣。住後上堂。有一句子。河沙刹王。三世諸佛。不能說。西乾東震。歷代祖師。不能說。天下善知識。不能說。先師亦未曾說。秀上座今日既居此位。爲衆。分明舉似去也。良久曰。元正敬祐。萬象咸亨。僧問如何是定。師曰。顛顛倒倒。曰。如何是慧。師曰。愚。愚。癡。癡。曰。如何是定慧總持。師曰。又顛倒。又愚癡。上堂。衆競出問話。畢。師曰。欲釣鯨鯢。澄巨浸。却嗟蛙步滯泥沙。擲拄杖下座。

釋通雲號石奇。雪竇結制云。祇如諸方結制。廚庫豐足。事事次第。物物有餘。九十日內。一期安坐。始成個模樣。雪竇者。裏上無片瓦。下無卓錐。直得一物也。無。齋。豎。拂子。云。向。這。裏。急。須。荐。取。不。得。無。繩。自。縛。所謂本自無癡。勿傷之也。不然。倚他門戶。傍他牆剛。被時人喚作郎。元旦召衆云。一年三百六十日。今朝是最初一日。若有道得。最初句。便乃年新月新。日新日新。時時新。刻刻新。新。新。無。住。于。無。住。中。不妨天是天地。是地。山是山水。是水。僧是僧。俗是俗。未嘗移易。一絲毫。所以道是法。住法。

位世間相當住。小參云。今日臘月三十夜。年窮歲盡之際。幸然無些子事。今于無事中山僧爲汝商量。大衆既然無事。且道又商量個甚麼。若明得辦得。便春夏秋冬生住異滅。人事消長。時節遷流物我道同。古今不二。不見僧問古德。年窮歲盡時如何。德云。東村王老夜燒錢。看他古人明得辦得的。向結角羅紋處。恁麼答話。豈不綽綽有餘裕哉。又示衆云。當陽一著。獨露無遮。八面玲瓏。十方軒豁。明眼作証。豈敢囊藏。直得瓊樓玉殿。百草頭上。全彰千丈報身。瓦礫堆邊頓現塵塵爾。刹刹爾突。

釋通賢號浮石。平湖趙氏子。受密老人付囑。住報恩臘入示云。自捨皇宮入雪山。六年冷坐絕追攀。誰知今夜蒲團上。紺目無端發青斑。山僧恁麼告報祇要諸人拈

卻炙脂帽子。脫下鵠臭布衫。便見古釋迦不先今彌勒。非後一切時中不倚一物。淨裸裸上無攀仰。赤灑灑下絕已躬。千聖不能知。萬靈安可測。一切坐斷不漏絲毫。

又新正解制示云。纏拴意馬不多時。頃刻隆冬又過之。
 耳畔只聞鑼鼓鬧聲。聲敲入鬢成絲。大眾還有不隨聲
 色轉變者麼。等閒識得東風面。萬紫千紅總是春。到恁
 麽地可謂知歸。若有人問從甚處來。切莫道報恩來。因
 甚如此。不將平實對。正要使他疑。故道泰不傳天子令。
 時清休唱太平歌。復舉世尊一日與阿難行次。路見古
 塔。世尊便作禮。阿難云。此何人塔。世尊云。過去諸佛塔。
 阿難云。是誰弟子。世尊云。是我弟子。阿難云。應當如是。
 大眾既是過去諸佛爲何。又是現在世尊弟子。既是世

尊弟子爲何。又作禮。如是推求。一一相反。阿難爲何。又
 言。應當如是能向這裏明得透得。一切有爲法。當體卽
 無爲。

釋行元。號百癡。閩漳浦蔡氏子。幼習儒。怙恃繼失。依兄
 居。住年二十。功名不就。因憩同安邑邸。夜夢有人呼曰。
 時至矣。速前去。明晨行。遇真戒師。偕入長泰石獅巖。禮
 求薙髮。大明崇禎甲戌春。徃黃檗叅賈隱和尚。凡有所
 問。被痛棒打出。未幾證入玄奧。命掌記室。戊寅費老人
 主金粟。師爲西堂。付衣拂。回建寧蓮峰住靜。辛巳冬出

世隨移寶峰百山二刹及浙之太平長慶戊子夏初海
鹽護法徐覲周等以金粟虛席集衆卜請師恬然自若
繼席六載竭力勞心衣鉢微貲悉以供衆癸巳八月覲
周送藏經入寺卽于明晨退院上堂云六載住持全沒
滋味簡點將來討甚閒氣何如長松下片石間灑灑瀟
瀟科頭箕踞任他法道遷更蠻蠻口沸且臨行一曲如
何演唱擊拂子云囉囉哩囉囉哩白髮催人容易老寬
懷無事是神仙便行覲周同諸檀護迎入梵勝今遷明
發師有語錄十六卷行世如金粟歲旦示云佛法無人

說雖慧不能了况復值年朝如何靜悄悄擂鼓出陞堂
香雲四處繞柱杖倒頭拖袈裟忘裏表問著口莫酬遙
空指白鳥大衆且道金粟與麼是歡喜耶著忪耶若道
是歡喜年年好年有什麼歡喜處若道是著忪我爲法
王於法自在著忪箇什麼於此涇渭得出正好山門擺
手寶殿鞠躬見僧賀僧見俗賀俗見白牯狸那賀白牯
狸那如弗然者歲君所司時令又向閃電光中打輶去
也如梵勝示云嬾骨鋸成一榻閒眠消白晝枯腸浣出
半聯玄韻動寒潮不管佛來祖來說甚呼牛呼馬頭頭

具足生涯處處彰吾寶所是汝諸人果能如是見如是信解便可休心息念高掛鉢囊與山僧同處同行同餐同飲耕雲釣月唱沒腔歌自然道泰時清其或隨情變換逐物昇沉敢保終年未有歇手在如明發示云衲僧行止沒多般隨處安身隨處閒滿沼白荷觀不足又攜竹杖到雲間雲間既到是非杳忘地濶天高聲和響順翻愛當年船子一絲獨釣寒江更冀此日維摩出手共扶祖道且時節相應底句如何話會陣陣薰風來殿閣炎威雖逼也清涼

品高卷末

化高僧摘要卷四目

○大而能化洽被幽深群生異類咸仰慈心祥雲現彩密室飛金變化莫測也用不飲

○安清

雒陽

東漢

桓靈

○康僧會

建初

吳

建興

○慧遠

荊州長沙

晉

太元

○曇翼

京師靈根

晉

大義

○僧瑾

黃龍

宋

永初

○曇無竭

鄴下莊嚴

宋

元微

○圓通

鄴下莊嚴

齊

武平

○僧侶

鄖西雲門

齊

天保

高僧傳抄要

卷四

○道判 終南龍池

齊 永明

○僧範 鄭東大覺

隋 開皇

○法總 西京海覺

隋 開皇

○童真 西京禪定

隋 開皇

○道密 西京興善

隋 開皇

○曇榮 潞州法住

隋 開皇

○道宣 京兆西明

隋 開皇

○義湘 鷄林府

隋 開皇

○鑒元 漢州開照

隋 開皇

唐 開元

○法秀 京兆

唐 開元

○靈坦 楊州華林

唐 開元

○元曉 新羅黃龍

唐 開元

○藏奂 明州棲心

唐 大曆

○法照 五臺竹林

唐 大曆

○法真 彭州丹景

唐 大曆

○慧寂 袁州禪院

唐 大曆

○淨真 松江興聖

唐 大曆

○敘亨 燕都慶壽

唐 大曆

○南宗 南宋

唐 大曆

○僧妙 蒲州仁壽

周 大統

唐 大曆

○良準 鹽官法喜

唐 大曆

唐 大曆

○道悟 荆州天皇

唐 大曆

唐 大曆

○良準 鹽官法喜

唐 大曆

唐 大曆

○僧妙 蒲州仁壽

周 大統

梁 天監

○明達 蜀部

齊 永明

80 1 2 3 4 5 6 7 8 9 90 1 2 3 4 5 6 7 8 9

100

○法忠 隆興黃龍

南宋 宣和

○道悟 鄭州普照

元至治

○真淨 杭州天竺

元大曆

○蒙潤 杭州天竺

元

○則天眞 海門

明洪武

○幻依 蘭州華明

明萬曆

○明德 嘉興東禪

明萬曆

○無異元來 傅山

明萬曆

○隱元琦 黃檗

明清

案頭有者採之耳目不及聽之雖去取無褒貶

四十一位化高僧

化高僧摘要卷四

武原居士徐昌治覲周

編輯

釋安清字世高安息國王太子也幼以奔行見稱志業聰敏尅意好學外國典籍及七曜五行醫方異術乃至鳥獸之聲無不綜達常行見群鶴忽謂伴曰鶴云應有送食者頃之果有致焉衆咸奇之高雖居家而奉戒精峻王薨便嗣父位乃深惟苦空耽離形器喪服既畢遂讓國與叔出家修道博曉經藏尤精阿毗曇學諷持禪經備盡其妙旣而遊方弘化遍歷諸國漢桓之初始到

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

中夏才悟機敏一聞能達至止未久卽通習華言于是宣譯衆經改梵爲漢又析譯道地經先後經論凡三十九部義理明析文字尤正讀者亹亹不倦焉初高自稱先身已經出家有一同學多瞋值施主不稱每輒懟恨高屢加訶諫終不悛改如此二十餘年乃與同學詞訣云我當住廣州畢宿世之對卿明經精熟不在我後而性多恚怒命過當受惡形我若得道必當相度旣而遂適廣州值寇賊大亂路逢一少年唾手拔刀曰真得汝矣高笑曰我宿命負卿故遠來相償何必忿怒遂伸頸

受刃容無懼色賊遂殺之觀者莫不駭其奇異旣而爲安息王太子遊化中國宣經事畢值靈帝之末關雒擾亂乃振錫江南云我當過廬山度昔同學行達鄭亭湖廟此廟舊有威靈商旅祈禱分風上下舟人敬憚莫不慄影高同旅三十餘船奉牲請福神乃降祝曰舫有沙門可便呼上客咸驚愕請高入廟神告高曰吾昔外國與子俱出家學道好行布施而性瞋怒今爲鄭亭廟神周廻千里並吾所治以布施故珍玩甚豐以瞋恚故墮此神報今見同學悲欣可言壽盡旦夕而醜形長大若

于此捨命穢汙江湖當度山西澤中此身滅後恐墮地
獄吾有絹千疋并雜寶物可爲立法營塔使生善處高
曰故來相度何不出形神曰形甚醜異衆人必懼高
但出衆不恠也神從床後出頭乃是大蟒不知尾之長
短至高膝邊高向之梵語數番讚頌數契蟒悲淚如雨
須臾還隱高卽取絹物辭別而去舟侶颺帆蟒復出身
登山而望倏忽之頃便達豫章卽以廟物爲造東寺高
太後神卽命過暮有一少年上船長跪高前受其呪願
忽然不見高曰鄭亭廟神得離惡形矣後人于山西澤

中見一死蟒頭尾數里今潯陽郡蛇村是也高後復到
廣州尋其前世害已少年尚在高徑投其家說昔日償
對之事并叙宿緣歡喜相向云吾猶有餘報今當往會
稽畢對廣州客悟高非凡豁然意解追悔前愆厚相資
供隨高東遊遂達會稽至便入市正值市中相打誤著
高頭應時頗命廣州客頻驗二報遂精懃佛法悲歎三
世有微高旣王種西域呼爲安侯
釋康僧會其先康居人世居天竺其父因商賈移于交
趾會年十餘歲二親並亡以至性奉孝服畢出家勵行

甚峻爲人弘雅有識量明解三藏博覽六經天文圖緯多所綜涉頗屬文翰時孫權已制江左而佛教未行先有優婆塞支謙字恭明本月支人來遊漢境初漢桓靈之世有支識譯出衆經有支亮資學于識謙又受業于亮博覽經籍莫不精究漢獻末亂避地于吳孫權聞其才慧召見悅之拜爲博士使輔導東宮與韋曜諸人共盡匡益謙以大教雖行而經多梵文乃收集衆本譯爲漢語從吳黃武元年至建興中所出維摩大般泥洹法句瑞應本起等四十九經曲得聖義并注了本生死經

等時吳地初染大法風化未全僧會欲使道振江左興立圓寺乃杖錫東遊以吳赤烏十年初達建業營立茅茨設像行道有司奏曰有番人入境自稱沙門容服非恒事應檢察權曰昔漢明夢神號稱爲佛彼之所事豈其遺風耶卽召會詰問有何靈驗會曰如來遷迹忽逾千載遺骨舍利神曜無方昔阿育王起塔八萬四千夫塔寺之興以表遺化也權以爲誇誕乃謂會曰若能得舍利當爲造塔如其虛妄國有常刑會請期七日乃謂其屬曰法之興廢在此一舉今不至誠後將何及乃其

潔齋靖室以銅瓶加几燒香禮請七日期畢寂然無應求申二七亦復如之權曰此欺誑將欲加罪會更請三七權又特聽會謂法屬曰法靈應降而吾等無感何假王憲當以誓死爲期耳三七日暮猶無所見莫不震懼旣入五更忽聞瓶中鏗然有聲會自徃視果獲舍利明日呈權舉朝集觀五色光炎照耀瓶上權自手執瓶瀉于銅盤舍利所衝盤卽破碎權大肅然驚起曰希有之瑞也會進言曰舍利威神豈直光明相而已乃劫燒之火不能焚金剛之杵不能碎權命令試之乃置舍利于

卷四

卷四

翔而老人星見、仁德育物、則醴泉湧而嘉苗出、善既有瑞、惡亦如之。易稱積善餘慶、詩詠求福不回、雖儒典之格言、卽佛之明訓。皓曰：若然、則周孔已明、何用佛教？會曰：周孔所言、略示近迹、至于釋教、則備極幽微、故行惡則有地獄、長苦修善則有天宮、永樂舉茲以明、勸沮不亦大哉！皓當時無以折其言、雖聞正法、而昏異之性不勝其虐、後使宿衛兵入後宮治園子、地中得一立金像、高數尺、呈皓、皓使著不淨處、以穢汁灌之、共諸群臣笑以爲樂、俄爾之間、舉身大腫、陰處猶痛、呼徹天太史、取本業百三十五頃、分作二百五十事、行住坐臥皆願衆生、皓見慈願廣普、益增善意、卽就會受五戒、旬日疾瘳、乃于會所住處、更加修飾、宣示宗室、莫不必奉會在。

卷之三

卷四

吳朝亟說正法、以皓性亮麤不及妙義、唯叙報應近事、以開其心。會于建初寺、譯出衆經、如阿難念彌陀經、鏡面王察微王梵皇經等、又小品及六度集雜譬喻等、又注安般守意法、鏡道樹等三經、并製序。至吳天紀四年四月皓降晉、九月會遘疾而終、乃晉武太康元年。釋慧遠、姓賈、虜門樓煩人、年十三、隨令狐氏遊學許洛、少爲諸生、博綜六經、尤善莊老、時沙門釋道安立寺于太行恒山、弘讚像法、遠往歸之。一日聞安講般若經、豁然而悟、乃歎曰：「儒道九流、皆糠粃耳、便與弟慧持投簪。」

落髮委命受業以大法爲已任精思諷持以夜續晝貧
旅無資緼纊常闕而昆弟恪恭終始不懈有沙門曇翼
每給以燈燭之費安公聞而喜曰道士誠知人矣復曰
使道流東國其在遠乎年二十四便就講說嘗有客聽
講難實相義往復移時彌增疑惑遠乃引莊子義爲連
類惑者曉然是後與弟子數十人南適荊州往上明寺
後欲往羅浮山乃届潯陽見廬峰清靜足以息心始住
龍泉精舍此處去水本遠遠乃以杖扣地曰若此中可
得棲止當使朽壤抽泉言畢清流漏出成溪後潯陽亢

早遠詣池側，讀海龍王經。忽有巨蛇從池上空，須臾大雨歲以有年。因號精舍爲龍泉寺焉。遠創造精舍洞盡山羨，却負香爐之峰，傍帶瀑布之壑。仍石疊基，卽松栽構，清泉環階，白雲滿室。復于寺內別置禪林，森樹烟凝石逕苔合。凡在瞻履，皆神清而氣肅焉。遠聞天竺有佛影，是佛昔化毒龍所留之影。在那竭呵城南古仙人石室中，每欣感交懷，志欲瞻覩。會有西域道士，叙其光相遠，乃背山臨流，營築龕室，妙筭畫工，淡彩圖寫，色疑卽空，望似烟霧。遠乃著銘曰：廓矣大象，理玄無名。體神人。

化落影離形，廻暉層巖凝映虛臺。在陰不昧處闇，愈明婉步蟬曉。朝宗百靈應，不同方迹絕而冥。又昔潯陽陶侃鎮廣州，有漁人于海中見神光，每夕豔發，經旬彌盛。恆以白侃，侃往詳視，乃是阿育王像，卽接歸以送武昌寒溪寺。侃後移鎮，以像有威靈，遣使迎接，數十人舉之至水上，船船覆沒，使者懼而反之。侃幼出雄武，素薄信情，故荆楚爲之謠曰：可以誠致，難以力招。及遠創寺，既成，祈心奉請，乃飄然無梗。于是率衆行道，昏曉不絕。望風遙集，彭城劉遺民、豫章雷次宗、廩門周續之、新蔡畢

卷四
名古屋市立圖書館
卷四

頴之南陽宗炳張萊民張季碩等並棄世榮依遠遊止
遠乃于精舍無量壽像前建齋立誓共期西方殷仲堪
之荊州過山展敬與遠共臨北澗論易體要移景不勑
司徒王謐護軍王默等並欽慕風德遙致師敬謐修書
曰年始四十而衰同耳順遠答曰古人不愛尺璧而重
寸陰觀其所存似不在長年耳盧循初下據江州城入
山詣遠遠少與循父嘏同爲書生及見循歡然道舊因
朝夕音介僧有諫遠者曰循爲國寇與之交厚得不疑
乎遠曰我佛法中情無取捨豈不爲識者所察及宋武
追討盧循設帳桑尾左右曰遠公素主廬山與循交厚
宋武曰遠公世表之人必無彼此乃遣使賚書致敬并
遺錢米於是遠近服其明見初經流江東多有未備禪
法無聞律藏殘闕遠令弟子法淨法領等遠尋衆經踰
越沙雪曠歲方反皆獲梵本得以傳譯有罽賓沙門憎
伽提婆博識衆典以晉太元十六年來至潯陽遠請重
譯阿毗曇心及三法度論於是二學乃興每逢西域一
賓輒懇惻諮訪聞羅什入關卽遣書通好什答書并遺
偈曰旣已捨染樂心得善攝不若得不馳散深入實相

不畢竟空相中其心無所樂若悅禪智慧是法性無照虛詎等無實亦非停心處仁者所得法幸願示其要遠重與什書并報偈曰本端竟何從起滅有無際一微涉動境成此積山勢惑相更相乘觸理自生滯因緣雖無至開途非一世時無悟宗匠誰將握玄契末問尙悠悠相與期暮歲後有弗若多羅來適關中誦出十誦梵本羅什譯爲晉文三分始二而多羅棄世遠常慨其未備及聞曇摩流支入秦善誦此部乃遣弟子曇邕致書祈請令于關中更出餘分故十誦一部具足無闕先是中土未有泥洹常住之說但言壽命長遠而已遠乃嘆曰佛是至極則無變無變之理豈有窮耶因著法性論曰至極以不變爲性得性以體極爲宗羅什見論而嘆曰邊國人未有經便闇與理合豈不妙哉秦主姚興欽佩名德致書慇懃信餉連接贈以龜茲國細縷雜變像以伸歎心又令姚嵩獻其珠像釋論新出興送論并遺書曰大智論新譯訖此旣龍樹所作又是方等旨歸宜爲一序以伸作者之意遠序之桓玄征殷仲堪軍經廬山要遠出虎溪遠稱疾不堪玄自入山見遠不覺致敬玄

問不敢毀傷。何以剪削。遠答云。立身行道。玄稱善。所懷問難。不敢復言。乃說征討之意。遠不答。玄又問。何以見願。遠云。願檀越安隱。使彼亦復無他。玄出山謂左右曰。實乃所生未見。玄後以震主之威。苦相延致。遠答辭堅。正確乎。不拔俄而玄欲沙汰衆僧。唯廬山道德所居。不在搜簡之例。遠與玄書曰。佛教陵遲。穢雜日久。每一尋至。慨憤盈怀。竊見清澄諸道人教實應其本心。然令飾僞者絕。假通之路。怀真者無負俗之嫌。道世交興。三寶復隆矣。因廣玄條制。玄從之。有頃。玄篡位。卽下書曰。佛

法宏大。所不能測。諸道人勿復致禮。遠乃著沙門不敬王者論。凡有五篇。及桓玄西奔晉安帝。自江陵旋于京師。輔國何無忌。勸遠候迎。遠稱疾不行。帝遣使勞問。以晉義熙十二年八月初動散。至六日因篤大德著年。皆稽願請飲。政酒不許。又請飲米汁。不許。又請以蜜和水爲漿。乃命律師令披卷尋文。得飲與不。卷未半而終。春秋八十三。

釋曇翼。姓姚。羌人。年十六出家。事安公爲師。少以律行見稱。學通三藏。經遊蜀郡。刺史毛璩深重之。爲設中食。

船自贛奉見翼于飯中得穀一粒先取食之密以敬異知必不辜信施後餉千斛翼受而分施翼嘗杖錫南征締構寺宇後互賊越遠侵掠漢南江陵閩境避難上明翼還江陵修復長沙寺丹誠祈請遂感舍利盛以金瓶置于齋座至乎中夜有五色光彩從瓶漸出照滿一堂舉衆驚嗟莫不挹翼神感後入巴陵君山伐木山上
有穴通吳之苞山山旣靈異人甚憚之翼率人入山路值白蛇數十臥遙行轍翼退還所住遙請山靈爲其禮懾乃謂神曰吾造寺伐材願共爲功德夜卽夢見神人告翼曰法師旣爲三寶須用特相隨喜但莫令餘人妄有所伐明日更往路甚清夷于是伐木沿流而下翼常歎寺立僧足而形像尙少阿育王所造容儀神瑞皆布在諸方何其無感不能招致乃專精懇惻請求誠應以晉太元十九年甲午之歲二月八日忽有一像現於城北光相衝天時白馬寺僧衆先往迎接不能令動翼乃往祇禮謂曰當是阿育王像降我長沙寺焉卽令弟子三人捧接飄然而起迎還本寺道俗奔赴車馬轟填後彌賓禪師僧伽難陀從蜀下入寺禮拜見像光上有梵

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

字便曰是阿育王像翼年八十二而終終日像圓光奄然靈化莫知所之

釋僧瑾姓朱沛國人隱士達之第四子也少善莊老及詩禮後行至廣陵見曇因法師遂稽首伏膺遊學內典博涉三藏後至京師值龍光道生復依受業初憩冶城寺宋孝武敕爲湘東王師王從請五戒甚加優禮時湘東踐祚是爲明帝仍敕瑾爲天下僧主給法仗一部親信二十人月給錢三萬冬夏四賜并車輿吏力瑾性不蓄金皆充福業起靈根靈基二寺以爲禪慧棲止及明

帝末年頗多忘誦故涅槃滅度之旛于此暫息凡諸死亡凶禍衰白等語皆不得以對因之犯忤而致戮者十有七八時汝南周顥入侍惟握瑾謂顥曰陛下比日所行諷諫無益唯三世苦報最切近情檀越尙因機候正當陳此帝後風疾數加痛惱無聊輒召顥及殷洪等說鬼神雜事以散胸懷顥乃習讀法句賢愚二經每見談說輒爲言先帝往往驚曰報應真當如此亦寧可不畏因此犯忤之徒屢被全宥瑾以宋元徽中卒春秋七十有九

卷之三

卷四

三

釋曇無竭此云法勇姓李幽州黃龍人幼爲沙彌便修苦行持戒誦經爲師僧所重常聞法顯等躬踐佛國乃慨然有忘身之誓遂以宋永初元年招集同志沙門僧猛曇朗之徒二十五人共賣旛蓋供養之具發跡至河南出海西郡進入流沙到高昌郡經歷龜茲沙勒諸國登葱領度雪山障氣千重層水萬里下有大江流急若箭於東西兩山之脇繫索爲橋十人一過到彼岸已舉烟爲幟後人見烟知前已度方得更進若久不見烟則知暴風吹索入墮江中行經三日復過大雪山懸崖壁

立無安足處。石壁皆有故杙孔處處相對人各執四杙先拔下杙右手攀上杙展轉相攀經三日方過到平地料檢同侶失十二人進至罽賓國禮拜佛鉢停歲餘學梵書梵語求得觀世音受記經梵文一部復西行至辛頭那提獅子河緣河西入月氏國禮拜佛肉髻骨及觀自沸水船後至檀特山南石留寺住僧三百餘人雜三乘學無竭停此寺受大戒于天竺禪師佛駛多羅登聖異名夏坐三月復行向中天竺界路既空曠唯賚石密爲糧同侶十三人八人死于路五人同行無竭雖屢經危險

而繫念所賚觀世音經未常暫廢將至舍衛國中野逢山象一群無竭稱名歸命卽有師子從林中出象驚惶奔走後度恒河復值野牛一群鳴吼而來將欲害人無竭歸命如初尋有大鷲飛來野牛驚散遂得免之後于南天竺隨舶汎海達廣州譯出觀世音受記經傳于京師後不知所終

釋僧凋姓孫元出昌黎末居鉅鹿之瘦陶性度純懿秀信知名而勤學世典備通經史徵爲太學博士一覽佛經渙然神解年二十有八投鉅鹿景明寺僧實法師而

出家落髮更尋經論識神厲勇復從道房禪師受行止觀房卽跋陀神足北遊定州嘉魚山歛念久之全無攝證便欲出山誦涅槃經忽遇一僧言從泰岳來凋以情告彼遂苦勸修禪慎無他志由一切含靈皆有初地味禪要必繫緣無求不遂乃從之旬日攝心果然得定常依涅槃聖行四念處法乃至眠夢覺見都無慾想歲居五夏又詣趙州漳洪山道明禪師受十六持勝法節食鞭心九旬一食或煮食未熟攝心入定動移晷漏前食並爲禽獸所噉又常修死想遭賊怖之了無畏色方爲

80 1 2 3 4 5 6 7 8 9 90 1 2 3 4 5 6 7 8 9 100

說諸業行皆摧其夸。受戒而返。常于鵲山靜處。感神來燒。調以死要心。因證深定。九日不起。後從定覺。情想澄然。便詣少陵寺。祖師三藏呈已所證。跋陀曰。自葱嶺已東。禪學之最。汝其人矣。乃更授深要。卽住嵩岳寺。僧有百人。泉水纔足。忽見婦人。弊衣挾帚。却坐階上。聽僧誦經。衆不測爲神人也。便訶遣之。婦有愠色。以足踢泉。水立枯竭。身亦不現。衆以告。調呼優婆夷三呼。乃出。便謂神曰。衆僧行道。宜加擁護。婦人以足撥于故泉水。卽上涌時。共深異。因屢入定。每以七日爲期。齊文宣天

保二年。下詔敦喻。方遂允請。卽日拂衣。將出山闕。兩岫忽然驚震。響聲悲切。駭擾人畜。禽獸飛走。如是三日。調顧曰。慕道懷仁。觸類斯在。豈非愛情易守。放蕩難持。乃不約事留杖策。漳溢帝躬。舉大駕。出郊迎之。調年過七十。神宇清曠。動發人心。敬揖情物。乘機無墜。帝扶接入內。爲論正理。因說三界本空。國土亦爾。榮華世相。不可常保。廣說四念處法。帝聞之。毛豎流汗。卽受禪道。學習不久。便證深定。爾後彌承清悔。篤敬殷重。因從受菩薩戒法。斷酒禁肉。放捨鷹鷄。去官畋漁。鬱成仁國。又斷

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

天下屠殺月六年三勅民齋戒官園私菜葷辛悉除帝以他日言曰道由人弘誠不虛應願師安心道念弟子敢爲外護檀越謂曰菩薩弘誓護法爲心陛下應天順俗居宗設化棟梁三寶導引四民康濟旣臨義無推寄卽停止禁中四十餘日日垂明誨帝奉之無失後以道化須布思序山林便辭還本住帝以陵阜廻互諮詢或難天保三年又勅于鄴城西南八十里龍山之陽爲構精舍名雲門寺請以居之兼爲石窟大寺主兩任綱位練衆將千供事繁委充諸山谷并勅國內諸州別置禪

肆令達解念慧者就爲教授以齊乾明元年四月十三日辰時絕無患惱端坐卒于山寺春秋八十有一勅遣襄樂王宣慰起塔右僕射魏收爲製碑文

釋圓通少出家泛愛通博以溫敏見稱徃鄴都大莊嚴寺研諷涅槃文旨詳覈以高齊武平四年夏中講時有一客僧形服疎素履操弘雅因疾乃投諸寺中僧侶以其所患纏附臭氣薰勃皆惡之無敢停者通觀其量識宏遠深異其度乃延之房中雖有穢污初無輕憚情欵通意問何所學答曰涅槃通以素業相沿宛然若舊乃

以經中深要。及先德積述。並叙而談之。客僧亦同其所引。更爲章句。判釋冷然。雅有其致。通欣于道合。經理湯藥。曉夕相守。曾于夜中持春酒一盞。勸云服此爲佳客。遂顰眉飲之一。咽便止。夏了病愈。便辭而去。通曰。今授衣將逼。官寺例得衣賜。可待三五日間。當贈一襲寒服。客云。藉庇不少。何容更煩。固留之作衣遺。已臨別。執通手。誠曰。修道不欺閨室。法師前以酒見及。恐傷來意。非正理也。從今已往。此事宜斷。頗曾往敲山石窟寺。不。小僧住下舍小寺。正在石窟北五里。繞澗有一小谷。東

出。卽是竹林寺。有緣之彼願相訪也。通敬謝前誠。當必往。展于事而別。至明年夏初。以石窟山寺僧往者。希遂減莊嚴。定國興聖總持等官寺。百餘僧爲一番。通時過夏。預居石窟。意訪竹林。乃大集客主。問寺所在。衆皆大笑。誠通勿傳此妖言。竹林竟無乃流俗之恒傳耳。通惟客僧見投。非常款遇。言及斯事。計非虛指。衆亦異焉。乃各賚香花。與通俱行。至寺北五里。小谷東出。略通人徑。可行五里。昇于山阜。見一老公。手巾袒額。布褐短褐。執鋤開荒。二十餘畝。遙見群僧放馬而前。曰。何處道人。不

依徑路。僧云住在石窟。欲向竹林。公大怒曰。去年官寺放馬。瞰我生苗。我兒遮護。被打幾死。今復將此面目來耶。曳鍔來逐。群僧十餘。望谷馳走。獨不逐通語通。曰。是你干健不返。放使入山。餒虎通卽東出數里。值一曲澗。淺而森茂。尋澗又東。但聞南嶺上有諷誦之聲。通問竹林所在。應聲答曰。從何處來。豈非圓通法師乎。通曰。是矣。遂披林踰險。就通通畧。叙離闊。喜滿言情。曰。下山小寺僧徒。鳥合心性。動止多不稱。具瞻雖然。已能降重。終須到寺。相進數里。忽見雙闕高門。長廊複道。修竹千雲。

青松蔽日。門外黑漆槽。長百餘尺。凡有十行。皆鋪百銜環。金銅綺飾。貯以粟豆。傍有馬跡。而灑掃清潔。乃立通門左。告云。須前諮大和尚。須臾引入。至講堂西軒廊下。和尚坐高牀。侍列童吏五六十人。和尚年可七十。眉面峰秀。狀類梵僧。懸案理文書。傍有通事者。通謁却立。和尚命曰。旣住官寺。厚供難捨。何能自屈。此寺誠無可觀。通具述意故。乃令安置。將通巡房禮訊。見兩房僧各坐寶帳。交絡衆飾。映奪日光。語引僧云。彼是何人。輒敢來入。振手遣去。僧有慙色。顧謂通曰。情意不同。令人阻望。

且就小僧住房可以消息。乃將入室。具敘答緣。并設中食。食如鄰中常味。食後引觀圖像莊嚴園池臺閣。周遊歷覽。不可得遍。逼因自陳曰。儻得廁迹風塵。常供灑掃。生願畢矣。僧曰。相逢卽以爲意。但須諮和尚。未知果不夜與通宿。曉爲諮白和尚曰。甚知來意。不惜一房。凡受官請爲報。不淺。依如僧法。不得兩處。生名今且還去。除官名訖。來必相容。勿以爲恨。卽遣送出。至馬槽側。顧慕流淚。自傷罪重。不蒙留住。執僧手別。西行百步。廻望。猶見門闕。儼然步步返望。更行兩里。歎見峰崿巉巖。非復

寺宇。悵望尋路。行達開荒之地。了無蹤緒。但有榛木。釋道判姓郭。曹州承氏人。三歲喪親。十五遊學。略綜儒道。十九發心出家。投于外兄而剃落焉。具戒已後。歷求善友。每閱像教東傳。慨而不睹靈跡。遂勇心佛境。誓當瞻敬。以齊乾明元年。結伴二十一人。發趾鄰都。將經開塞。關邇嚴設。又照月光。踟蹰廻首。義無踰越。忽值雲奔月隱。乘闇度棧。以周保定二年。達于京邑。武帝賞接崇重。仍令於大乘寺。厚供享之。經逾兩載。上表乞循初志。蒙勅給圖書。并資行調。西度石磧千五百里。四顧茫然。

絕無水草。乘饑急行。上經七夕。便至高昌國。是小蕃附庸。突厥又請國書。至西面可寒所。彼土不識衆僧。將欲加害。增人防衛。不給糧食。又不許出捨掇薪菜。但令餓死。有周國使人諫可寒云。此佛弟子也。本國天子大臣敬重供養。所行之處。能令羊馬滋多。可寒歡喜。日給羊四口。以充恒食。判等放之。而自煮菜進噉。既見不殺衆生。不食酒肉。所行既殊。不令西過。乃給其馬乘。遣人送還。達于長安。住乾宗寺。逢靜藹法師。諮詢道務。慧業沖遂淹歷五周。會武帝滅法。與藹西奔于太白山。同侶二

十六人逃難。巖居不忘講授。中百四論。日夜研尋。恂恂奉誨。雖有國誅。靡顧其死。東引尋山。至于華岳。凡所遊遁者。望日參焉。遂依承萬德。爲入室之元宗。始末十五年。隨逐不捨。後藹捨身窮谷。用陳護法判含酸茹毒。奉接遺骸。建塔樹銘。勒于巖壁。天元嗣曆。尋改邪風創立。百二十人。爲菩薩僧判。當其數初。住陟岵寺。大隋受命。廣開佛法。改爲大興善焉。判道穆僧徒。歷總綱任。開皇初。入終南山。交谷東嶺。池號野賄。迥出雲端。俯臨原陸。躬自案行。可以栖心。結草爲菴。集衆講說。開皇七年。

勅遣度支侍郎李世師將天竺醫工就造精舍常擬供奉知判道業修曠給額爲龍池寺大將軍雲定興以爲檀越四事供給侍郎獨孤機餐奉音猷於宅後園別立齋宇請來栖息稟其法戒薛國公及夫人鄭氏夙奉清訓年別至山諮詢戒誥決通疑議以大業十一年五月四日平旦卒於山寺

釋僧範姓李平鄉人幼學群書年二十三備通疏略至于七曜九章天文筮術諮無再悟時人語曰相州李洪範解徹深義鄴下張賓生領悟無遺兼以年華色美都

無伉儷之心思附法門燒指而修供養年二十九棲遲下邑聞講涅槃一聽開悟遂投鄴城僧出家焉復向洛下從獻公聽法華華嚴後從轍光師受道耽味虛宗出遊開化利安齊魏每法筵一舉聽衆千餘逮旋趾鄴都遂使崔覲注易諸之取長宗景造曆求而捨短大儒徐遵明李寶頂等一見信于言前受以菩薩戒法五衆歸之如市講華嚴十地地持維摩勝鬘各有疏記復變疏引經製成爲論故涅槃大品等並稱論焉地持十部獨名述也然屬詞繁壯不偶世情言行相輔祥徵屢降常

有膠州刺史杜弼于鄴顯義寺請範冬講至華嚴六地忽有一鴈飛下從浮圖東順行入堂正對高座伏地聽法講散徐出還順塔西翔逝又于此寺夏講雀來在坐西南伏聽終十九旬又曾處濟州亦有一鳥飛來入聽訖講便去諸祥感衆道洽冥符

釋明達姓康康居人童稚出家嚴持齋戒初受十戒便護五根年及具足行業彌峻勝不著席日無再飯外儀軌則內樹道因廣濟爲懷遊行在務以梁天監初來自西戎至於益部時巴峽蠻裔鼓行抄劫州郡徵兵刻期

誅討達志存拯拔獨行詣賊慰喻招引未狎其情俄而風雨晦冥雷霆震擊群賊驚駭惻爾求哀達乃教具千燈祈誠三寶營辦始就昏霾立霽翕然望國並從王化
祉負排藪獮獸前趨者其徒充澤遂使江路肅清往還無阻兵威不設而萬里坦然後因行役中路逢有人縛狹在地聲作人語曰願上聖救我達卽解衣贖而放之行至梓州牛頭山欲構浮圖及以精舍不訪材石直覓匠工道俗莫不恆其言于時三月水竭卽下求木乃于水中得一長材正堪刹柱長短合度僉用欣然仍引而

豎焉至四月中涪水大溢木流翳江自泊村岸都無溜者達率合早素通皆接取從橫山積創修堂宇架塔九層遠近併力一時繕造役不逾時剗然成就而躬襲三衣並是麤布破便治補寒暑無革有時在定據于繩床赫然火起衆往撲滅唯覺清涼有沙門僧救者積患擎贊來從乞瘥達便授杖令行不移晷景驟步而返又布薩時身先衆坐因有偷者穿牆負物旣出在外迷悶方所還來投寺遂喻而遣之以天監十五年隨始興王還荊州冬十二月終于江陵春秋五十有五

釋法總姓段并州太原人少以誦涅槃爲業旣通全部志在文言後聽玄義便卽傳講開皇年中勅召爲涅槃衆主居于海覺聚結四方常敷至理仁壽歲初勅送舍利于隋州智門寺掘基三尺獲神龜一枚色黃且綠狀如彩繡頭有八字云上大王八萬七千年腹下有王興二字於隋侯橋側柳樹又雨甘露狀如雨下香甜濃潤衆共飲之總乃表聞帝敬謁靈祥恒以此龜置于御座與臣下觀之有經年月帝遊北苑放之清池雖沉泳少時還出達池循逐帝躬前後非一陪衛咸覩共欣徵感

及四年春又勅送舍利于遼州下生寺放光分粒其相極多石函變爲錦文及童子之像函之北面現于雙樹下有臥佛又于函南現金剛捉杵擬山之相又于函東現二佛俱立并一麒麟又于函西現一菩薩并一神尼曲身合掌向于菩薩又放大光撩亂而起動眩人目從暝達曉諸燈雖滅而光續照不異日月之明爾夕陰雨佛堂瑩吻放于黃光飛移東南三百餘步尋光所發乃從堂中舍利處出衆皆通見大發道心八日將下五色雲蓋覆于塔上又感奇鳥素身烏尾赤觜口銜片雲狀

如華蓋亦現塔上四月九日基上放光分爲五道直西而去色如彩畫數百里引之見者非一總躬臨此瑞喜發内心具圖上聞勅封秘閣

釋童真姓李遠祖隴西寓居河東之蒲坂少厭生死希心常住投曇延法師爲其師範綜掇玄儒英猷秀舉受具已後歸宗律句晚涉經論通明大小尤善涅槃開皇十二年勅召于大興善對翻梵本十六年詔以爲涅槃衆生仁壽元年下勅率土之內普建靈塔前後諸州一百一十一所皆送舍利真以德王當時下勅令往雍州

80 1 2 3 4 5 6 7 8 9 90 1 2 3 4 5 6 7 8 9 100

創置靈塔。遂送舍利於終南山仙遊寺。卽古傳云秦穆
公女名弄玉。習仙升雲之所也。初真以十月內從京至
寺。路逢雨雪。飛奔滂注。淹漬人物。唯舍利輿上。獨不霑
潤。同共異之。寺居衝谷。日夕風震。自靈骨初臨迄于藏
瘞。怡然恬盡。燈耀山谷。兼以陰雲四塞。雨雪俱零。冀得
清霽。見日有符程限。真乃手執燻爐。典發大願。恰至下
期。冬日垂照。時正在午。道俗同慶。及安覆訖。還復雲合。
大眾共歎。大業元年。營大禪定。下勅召真爲道場主。大
業九年。因疾卒於住寺。

釋道密。姓周。相州人。初投耶舍三藏師。習方藝。又從鄭
下聽大乘。通衍西梵文言。隋運興法。翻譯爲任。勅召入
京。住大興善寺。師資道成。復弘梵語。會仁壽塔典。下勅
召。送舍利于同州大興國寺。寺卽文帝所生之地。其處
本基般若尼寺也。帝以後魏大統七年六月十三日生
于此寺中。于時赤光照室。流溢外戶。紫氣滿庭。狀如樓
閣。色染人衣。內外驚禁。妳母以時炎熱。就而扇之。寒甚
幾絕。困不能啼。有神尼者。名曰智仙。河東蒲坂劉氏女
也。少出家。有戒行。以禪觀爲業。及帝誕日。無因而至。語

太祖曰兒天物所祐勿憂也尼遂名帝爲那羅延言如金剛不可壞也又曰此兒來處異倫俗家穢雜自爲養之太祖乃割宅爲寺內通小門以兒委尼不敢名問後皇妃來抱忽見化而爲龍驚惶墮地尼曰何因妄觸我兒遂令晚得天下及年七歲告帝曰兒當大貴從東國來佛法當滅由兒興之而尼沉靜寡言時道成敗吉凶莫不符驗初在寺養帝年至十三方始還家積三十餘歲略不出門及周滅二教尼隱皇家內著法衣戒行不改帝後果自山東入爲天子重興佛法皆如尼言及登

位後每顧群臣追念阿闍梨以爲口實又云我興由佛法而好食麻豆前身以從道人裏來由小時在寺至今樂聞鐘聲乃命史官王劭爲尼作傳其龍潛所經四十五州皆悉同時爲大興國寺因改般若爲其一焉仁壽元年帝及后宮同感舍利並放光明砧鉗試之宛然無損遂散于州郡前後建塔百有餘所隨有塔下皆圖神尼多有靈相密以治聞之譽送此寺中初下塔時一院之內光明充塞黃白相間兼赤斑氣旋遶朗徹久而乃滅仁壽之末又勑密送于郢州黃鵠山晉安寺掘基至

水獲金像一軀高尺許儀制特異正下塔時野鳥群飛旋遠塔上事了便散又見金花三枚騰空久之下沒基內又放螢光後遂廣大遠塔三匝寺本高顯素無泉水須便下汲一夕之間去塔五步飛泉自湧有同浪井及大業伊始密徙雒陽上林園中置翻經館因以傳譯遂卒于彼所

釋曇榮俗緣張氏定州九門人年十九時爲書生刻意玄理因靈裕法師講華嚴經試徃聽之便徹悟乃投裕爲師裕觀榮勤攝遂卽度之及受具後專業律宗以地

持爲學先屬周廢二教韜形俗壤強外同其塵而內服道味及隋初再教隨緣通化曾無執着年登四十務道西遊行至上党潞城黎城諸山依巖結宇卽求潛遁旣懿德是充緇素歸仰榮形解雄邃稱病設方諸有食飲咸韻至澤禮供日隆投造填委以隋末陵亂希全戒德極力護持躬當法主每年春夏立方等般舟秋冬各興坐禪念誦僧尼別院致使五衆烟隨百供鱗集自晉魏韓趙周鄭等邦釋種更新其戒常徃韓州鄉邑縣延聖寺立餓悔法刺史風同仁素奉釋門家傳供養送舍利

三粒遺行道衆榮年垂八十親率道俗三千人步野迎
路由二十餘里償從之盛譽滿當時旣達寺中乃告衆
曰舍利之德挺變無方若累業有銷請所可遂乃人人
前別置水鉢加以香爐通夜苦求至期鉢內總獲舍利
四百餘粒聲名達于鄉邑縣令懼其聚衆有墜條章捺
停其事當夕恠獸鳴其廳宇官民竟夜不安明日陳悔
方從榮法武德九年夏于潞城交障村立法行道所住
堂舍忽自崩壞龕像舍利宛然挺出布在庭中一無所
損又貞觀七年清信士常疑僕等請榮于州治法住寺

行方等悔法至七月十四日有本寺沙門僧定者戒行
精固于道場內見大光明五色間起從上而下中有七
佛相好非常語僧定云我是毗婆尸如來真等正覺以
汝罪銷故來爲証然非本師不與授記如是六佛皆同
此詞最後一佛云我是汝本師釋迦牟尼也爲汝罪銷
故來授記曇榮是汝滅罪良緣於賢劫中名普寧佛汝
身器清淨後當作佛名爲普明若斯之應現感靈祥後
臥疾于床眼中流淚弟子圓宗曰和尚生來慧必無
不意何事悲泣答曰吾死日將逼恨更不得爲諸大眾

洗濯罪累耳以貞觀十三年十二月終于法住寺春秋八十有五

釋明淨高密人少出家味定爲業潔志忠恪謹厚澄肅常居海畔蒙山宴坐經數十載人莫測之後南遊東越天台諸山禪觀在懷動止適時同侶禪徒未之弘仰山粒致絕日至村中每從乞食賚還中路值於群虎皆張口閉目若有餓相淨曰吾經行山澤多矣虎兕無心畏之今列于路旁豈非爲食耶乃以匙抄飯內其口中餘者對而噉盡明日乞食虎又如前頻有此緣同伴乃異

其度嘗值亢旱苗稼並枯淫祀之流妄祈邀請雖加懇惻終不能致淨曰可罷諸邪禱吾獨能降遂結齋靜室七日平旦雲佈雨施高下滂注百姓利焉頂戴若聖貞觀三年從去冬至來夏六月迥然無雨天子下詔釋李兩門岳瀆諸廟爰及淫祀普令雩祭于時萬里赫然全無有應朝野相顧慘愴無賴有潘侍郎者曾任密州知淨能感以狀奏聞勅召至京令住祈雨告以所須一無損費唯願靜念三寶慈濟四生七日之後必降甘澤若欲酬德可國內空寺并私度僧並施其名得弘聖道有

80 1 2 3 4 5 6 7 8 9 90 1 2 3 4 5 6 7 8 9

勅許焉。雖無供給而別賜香油于莊嚴寺靜房禪默至
七日向晚問守衛者曰天之西北應有白虹可試觀之
尋聲便見淨曰雨必至矣須臾雲合驟雨忽至比至日
晡海內通洽新雨初晴農作並務苗出隴而無雨嗣萎
仆將死投計無所左僕射房玄齡躬造淨所請重新祈雨
淨曰雨之升降自出帝臣淨有何德敢當誠寄前許無
報幽顯同憂若修素請雨亦應至以事聞奏帝又許焉
乃勅權停俗務合朝受齋淨乃依前靜坐七日之末又
降前澤四民歡泰遂以有年勅乃總度三千僧用酬淨

德但以京輦誼雜性不狎之請還本鄉之義勝寺山居
繼業竟不測其存沒

釋道宣姓錢丹徒人其先出自廣陵太守讓之後盛德
百代母娠而夢月貫懷復夢梵僧語曰汝所妊娠者卽梁
朝僧祐律師南齊剡溪隱獄寺僧護也宜從出家四月
八日降誕九歲能賦十五厭俗誦習諸經依智頤律師
受業十六落髮日嚴道場專精充念感舍利現于寶函
隋大業年中從智首律師受具習律纔聽一偏方議修
禪頤師呵曰夫適遐自邇因微知章修捨有時功願須

滿未宜卽去律也抑令聽二十徧已乃坐山林行定慧晦迹於終南倣掌之谷所居乏水神人指之穿地尺餘其泉逕涌時號爲白泉寺猛獸馴伏每有所依名華芬芳奇草蔓延隋末徙崇義精舍載遷豐德寺嘗因獨坐護法神告曰彼清官村故淨業寺地道可習成聞斯卜焉焚功德香行般舟定時有羣龍禮謁若男若女化爲人形沙彌散心顧盼邪視龍赫然發怒將搏攫之尋追悔吐毒井中宣知封閉人或潛開往往烟上審其神變或送異華一奩形似棗華大如榆莢香氣馝馞又供竇

果梨柰味甘色潔非人間所遇也。有處士孫思邈常隱於終南山與宣相接結林下之交。每一往來議論終夕。時天旱有西域僧于昆明池結壇祈雨。詔有司備香燈供具。凡七日池水日漲數尺。有老人夜詣宣求救頗形倉卒之狀。曰弟子卽昆明池龍也。時之無雨乃天意也。非由弟子今西僧取利于弟子而欺天子言祈雨命在旦夕乞法力加護。宣曰吾無能救爾爾可急求孫先生也。邈曰我知昆明池龍宮有仙方三十首示余余乃救老人至思邈石室寃訴再三云宣律師示我故敢相投也。

佛高僧傳
卷四

三

爾老人曰此方上界不許輒傳今事急矣固何所惜少
選捧方而至邇曰爾速還無懼番僧也自是池水大漲
數日溢岸西僧術盡及西明寺初就詔宣充上座三藏
奘師至止詔與翻譯貞觀中于西明寺行道足趺前有
物扶持履空無害熟視之乃少年也宣遽問何人中夜
在此少年曰某非常人卽毗沙門天王之子那咤也護
法之故擁護久矣宣曰貧道修行無事煩太子太子威
神自在西域有可作佛事者願爲致之太子曰某有佛
牙寶掌俄授於宣宣保錄供養焉復次庭除有一天來
禮謁謂宣曰律師當生覩史天宮持物一苞云是棘林
香後十旬安坐而化門人窓于壇谷石室其後樹塔三
所高宗下詔令飾圖寫宣之宣著續高僧傳

釋義湘俗姓朴雞林府人生且英奇長而出離逍遙入
道年臨弱冠聞唐土教宗鼎盛與元曉法師同志西遊
行至本國海門唐州界計求巨艦將越滄波倏于中途
遭其苦雨遂依道旁土龕間隱身以避飄濕迨乎明日
相視乃古墳骸骨旁也天猶霖霖地且泥塗尺寸難前
逗留不進又寄埏甃之中夜之未央俄有鬼物爲恠曉

公歎曰前之寓宿謂土龕而且安此夜留宵託鬼鄉而多祟則知心生故種種法生心滅故龕墳不二又三界唯心萬法唯識心外無法胡用別求我不入唐却攜囊返國湘乃隻影孤征誓死無退以總章二年附商船達登州分衛到一信士家見湘容色挺拔留連門下旣久有少女麗服艷粧名曰善妙巧媚誨之湘之心否不可轉也女調不見答頓發道心於前矢大願言生生世世歸命和尚習學大乘成就大事弟子必爲檀越供給資緣湘乃徑趨長安終南山智儼三藏所綜習華嚴經時

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

矣湘默作是念大華嚴教非福善之地不可興焉時善
 紗龍恒隨作護潛知此念乃現大神變於虛空中化成
 巨石縱廣一里蓋于伽藍之頂作將墮不墮之狀羣僧
 驚駭罔知攸趣四面奔散湘遂入寺中敷闡斯經冬陽
 夏陰不召自至者多國王欽重講樹開花談叢結果登
 堂覩與者則智通表訓梵體道身等數人皆啄巨殼飛
 出迦留羅鳥焉凡弟子請益隨疑解滯必無滓核自是
 已來雲遊不定卓錫而居學似蜂屯執筆懷鉛抄如結
 集錄載言如是義門隨弟子爲目如云道身章是也或

以處爲名如云錐穴問答等數章疏皆明華嚴性海毗
 盧遮那無邊契經義例也湘終於本國塔亦存焉號海
 東華嚴初祖也

釋鑑元素行甄明範圖律道講華嚴經號爲勝集日供
 千人粥食其倉簞中米粟纔數百斛取之不竭其山寺
 多徵應有慧觀禪師見三百餘僧持蓮燈凌空而去歷
 歷如流星焉開元中崔與公寧疑其妖妄躬自入山宿
 見山四面各三十里火光至第三夜有百餘支燈現兼
 紅光千尺餘與公蹶然作禮歎未曾有時松間出金色

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

手長七尺許有二菩薩黃白金色閃爍庭前柏樹上晝現一燈其明如日橫布玻瓈山寶珠一顆圓一丈熠爚可愛西嶺山門懸大虹橋橋上梵僧童子老叟間出有二炬爛然空中如相迎送交過之狀下有四菩薩兩兩偶立放通身光高六七十尺復見大松林後忽有寺額篆書三學字又燈下垂繡帶二條東林之間夜出金山月當于午金銀二色燈列于知鉉師墳側帝南康阜每三月就寺設三百菩薩大齋菩薩現形捧燈僧持香燈引挹之大中八年改額曰開照

釋法秀居于京寺遊咸鎬間以勸率衆緣爲務開元末夢人云將手巾袈裟各五百條可於廻向寺中布施覺後問左右並云無廻向寺及募人製造巾衣又徧詢耆舊僧俗莫有此仰藍否時有一僧形質魁梧人都不識報云我知廻向寺處問何所須答曰但資所施物名香一觔即可矣遂依言授物與秀偕行其僧徑入終南山約行二日至極深峻初無所覩復進程見硞石一具驚曰此人迹不到何有此物乃于其上焚所賚香再三至禮哀訴從午至夕谷中霧氣彌浸咫尺不辨逡巡開霽

當半崖間有朱門粉壁綠牖璇題見一寺分明雲際三
門懸巨榜曰廻向寺秀與僧喜甚攀陟遂到時已黃昏
聞鐘磬唱薩之聲門者詰其所從遲廻引入見一老僧
慰問再三倡言曰唐皇帝萬福否處分令別僧相隨歷
房散手巾袈裟唯餘一分指一房空榻無人有衣服坐
席似有所適者既而却見老僧若綱任之首曰其往外
者當已來矣其僧與秀復欲至彼授手巾等一房但空
榻者亦無人也又具言之老僧笑令坐顧彼房內取尺
八來至乃玉尺八也老僧曰汝見彼番僧否曰見已曰
此是將來權代汝主者京師當亂人死無數此僧名磨
滅王其一室是汝王房也汝主在寺以愛吹尺八罰在
人間此常所吹者也今限將滿卽却來矣明日遣就齋
齋訖曰汝當廻可將此尺八并袈裟手巾與汝主自收
也秀禮拜而還童子送出纔數十步雲霧四合不復見
寺乃持手巾袈裟玉尺入進上玄宗召見具述本末帝
大感悅凝神久之取笛吹之宛是先所御者後數年果
有祿山之禍秀所見番僧卽祿山也秀感其所遇精進
倍切不知所終世傳終南山聖寺又有廻向寺也

仁甫集

卷四

三

釋靈坦姓武太原文水人則天太后侄孫父諱宣洛陽縣令母夏侯氏初姪坦夢神僧授與寶鑑表裏瑩然且曰吾以此寄汝善保護之及誕親無所苦年甫七歲誦習畢通應童子舉恒嗟朽宅誓入空門于時荷澤寺神會禪師洛都盛化坦往參焉會施善誘頓見其心天寶初載召坦曰吾有一句是祖祖相傳至曹溪曹溪付吾汝諦受之吾當有留難遂辭遊方焉未幾果勅移會于戈陽坦遂向盧州浮槎寺覽大藏經後聞忠國師自南陽詔入於大曆五年禮覲之八年欲出關忠奏曰此人

是貧道同門俱神會弟子勑賜號曰大悲兼賚墨勑行化至梁國時相國田公神功供養遷迤維揚六合方歎大法凌替忽聞空中聲云開心地卽見菩薩如文殊像曰與汝印驗令舉頂以掌按之尋觀有四指赤痕其印跡恒現又止潤州江中金山今澤心也其山北面有一龍穴常吐毒氣如雲有近者多病或斃坦居之毒雲滅迹又於江陰定山結庵俄聞有讚嘆之聲視之則白龜二坦爲受皈戒又見二大白蛇身長數丈亦爲受戒懺悔後徃吳興林山造一蘭若有三丈夫衣金紫趨步

徐正稱嘆道場唯善村落之民多棄罟網元和五年相國李公勣召居華林寺寺內有大將軍張遼墓寺僧多爲鬼物惑亂坦居秋然無朕矣又楊州人多患山妖水惟之所熒惑坦皆遏禦焉人爭歸信至十年忽見二僧人稱自龜茲國來彼無至教遠請和尚敷演十一年五月十三日於荷澤忌齋告衆吾赴遠請至季秋八日果寂而終遷塔於楊州西馴翟坊之南岡越州掾鄭詹建塔報齡一百八歲

釋道悟姓張婺州東陽人生而神雋長而謹愿年十四

求出家慈愛不聽輒損常膳日唯一食父母不獲已許之遂往明州大德剃落年二十五依杭州竹林寺大德具戒投徑山國一禪師密受宗要于語言處識衣中珠身心豁然真妄皆遣斷諸疑滯直見佛性服勤五載轉遁餘姚大梅山時大曆十一年層崖絕壑天籟蕭瑟夐無隣落七日不食猿狌穀更饋橡栗野夫伐楚覩駭悚息諭爲神奇詣者成市憑嵌倚峭且構危棟資糧供具環遶方丈猛虎耽耽併出族遊一來座側歛折肢體建中初詣鍾陵馬大師二年秋謁石頭上士自徑山抵

衡嶽凡三遇哲匠始卜於灋陽次居於灋口終棲於當
陽柴紫山卽五百羅漢翹翔地也檉松蔚鬱崖巒巉礪
或接武林樾或駢肩廬舍戶外之履常盈荊州雄藩也
都人士女動億萬計莫不擎跪稽首嚮風天皇寺者據
郡之左標異他刹號爲名藍一火蕩爲煨燼縕褐且虧
瞻禮禪宴之際若值神物祠舍濱江富於松梓悉願傾
倒施僧伽藍於是斬棟修楹雲屯井構時值水涸徒衆
歛手會一夕雨至萬株並進晨發江滸暮抵寺門剖劂
之際動無乏者其餘廊廡床案靡非幽贊

釋元曉姓薛東海湘州人三學淹通彼王謂爲萬人之
敵時國王置百座仁王經大會徧搜碩德本州以名望
舉進之王不納居無何王之夫人腦嬰癰腫醫工絕驗
王及王子臣屬禱請山川靈祠無所不至有巫覡言曰
苟遣人往他國求藥是疾方瘳王乃發使泛海入唐募
其醫術溟漲之中忽見一翁由波濤躍出登舟邀使人
入海觀宮殿嚴麗見龍王王名鈴海謂使者曰汝國夫
人是青帝第三女也我宮中先有金剛三昧經乃二覺
圓通示菩薩行也今託仗夫人之病爲增上緣欲附此

經出彼國流布耳。於是將三十來紙重沓散經付授使人復曰此經渡海中恐罹魔事。王令持刀裂使人臘腸而內于中用蠟紙纏以藥傅之其臘如故。龍王言可令元曉法師造疏講釋之夫人疾愈無疑。龍王送出海面遂登舟歸國。時王聞而歡喜乃召元曉造疏成五卷。

王請剋日於黃龍寺敷演號爲略疏。曉乃宣吐有儀解紛可則稱揚彈指聲沸于空疏有廣略二本俱行本比

釋法照大曆二年

棲止衡州雲峯寺勤修不懈於僧堂

內粥鉢中忽覩五彩祥雲雲內現山寺寺東北五十里有山山下有澗澗北有石門入五里有寺金榜題云大聖竹林寺雖目擊分明而心懷隕穫他日齋時還于鉢中五色雲內現其五臺諸寺盡是金地無有山林穢惡純是池臺樓觀衆寶莊嚴文殊一萬聖衆處其中又現諸佛淨國食畢方滅心疑未決歸院問僧還有曾遊五臺山者否時有嘉延暉暉二師言曾到言與鉢內所見一皆符合四年夏於衡州湖東寺內有高樓臺九旬起五會念佛道場六月二日遙見祥雲彌覆臺寺雲中有

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 90

諸樓閣閣中有數梵僧各長丈許執錫行道衡州舉郭咸見彌陀佛與文殊普賢一萬菩薩俱在此會其身高大見之者皆泣血設禮至西方滅日晚照於道場外遇一老人告照云師先發願往金色世界奉觀大聖今何不去照恆而答曰時難路艱何可往也老人言但亟去道路固無留難言訖不見照驚入道場重發誠願夏滿約往至八月十三日于南嶽同志數人惠然前來果無沮礙五年四月五日到五臺縣遙見佛光寺南數道白光六日到佛光寺果如鉢中所見其夜四更見一道光

從北山下來射照照恆入堂內問衆云此何祥也有僧答言此大聖不思議光常答有緣照聞已卽具威儀尋光至寺東北五十里間果有山山下有澗澗北有一石門見二青衣年八九歲顏貌端正立於門首一稱善財二曰難陀相見歡喜問訊設禮引照入門向北行五里已來見一金門樓漸至門所乃是一寺寺前有大金榜題曰大聖竹林寺一如鉢中所見方圓二十里一百二十院皆有寶塔莊嚴其地純是黃水流渠華樹充滿其中照入寺至講堂中見文殊在西普賢在東各據師子

之座說法之音歷歷可聽文殊左右菩薩萬餘普賢亦無數菩薩圍繞照至二賢前作禮問言末代凡夫去聖時遙知識轉劣垢障尤深佛性無由顯現佛法浩瀚未審修行於何法門最爲其要唯願大聖斷我疑網文殊報言汝今念佛今正是時諸修行門無過念佛供養三寶福慧雙修此之二門最爲徑要所以者何我于過去劫中因觀佛故因念佛故因供養故今得一切種智是故一切諸法般若波羅密甚深禪定乃至諸佛皆從念佛而生故知念佛諸法之王汝當常念無上法王令無

休息照又問當云何念文殊言此世界西有阿彌陀佛彼佛願力不可思議汝當繼念令無間斷則能速證無上菩提語已時二大聖互說伽陀照聞已歡喜踴躍疑惑悉除又更作禮禮已合掌文殊言汝可往詣諸菩薩院次第巡禮授教已次第瞻禮遂至七寶果園其果終熟其大如盤便取食之食已身意泰然造大聖前作禮辭退還見一青衣送至門外禮已舉頭遂失所在倍增悲感乃立石記

釋藏矣姓朱蘓州華亭人母娠及誕常聞異香爲兒時

嘗墮井有神人接持而出。卯歲出家禮道曠禪師及詣嵩嶽受具。母每思念涕泣。因一日不視。迨其歸省。卽日而明。母喪哀毀廬墓間。尋遊方訪道。復詣五洩山遇靈默大師。一言辨析。旨趣符合。泊周洛再構長壽寺。勑度居焉。時內典焚毀。梵夾煨燼。手緝散落。實爲大藏。大中十二年。鄆水檀越任景求捨宅爲院。迎僧行居之。剃寇求甫。率徒二千執兵晝入。負瞑目宴坐色且無撓。盜衆皆憚慄。叩頭謝過。寇平州奏請改額爲棲心寺。僧行學識泉漏。指鑒岐分。以咸通七年秋八月三日現疾告終。門人。

號慕乃權空天童巖已周三載。一日異香凝空。遠近郁烈。弟子相謂曰。昔師囑累令三載後當焚我身。今異香若此。乃發塔視之。儼若平生。亦以八月三日依西域法焚之。獲舍利數千粒。其色紅翠。弟子戒休。賚舍利奉勅誅。易名曰心鑑塔。曰壽相。良準大師法喜之神僧也。往山中化木起造法喜單身回。巨細木俱從河出。迄今河底有木人不能動。一生形跡隱顯。不常。疑爲聖賢應化。按經幢石刻大中十四年。咸通五年。俱係良準題名。復考景祐重修寺碑云。異人。

80 1 2 3 4 5 6 7 8 9 90 1 2 3 4 5 6 7 8 9

100

間出有如良準業四分律慧行精通塔在寺之東廊距殿五十步飛鳥不棲遊塵弗立時時舍利放光現瑞宣和四年王春正月欲起塔亭遷就西廡靈像袈裟騰掣遠夫光恠華煜貫穿戶牖衆懼祈誦方復如初

釋知玄字後覺姓陳眉州洪雅人母魏氏夢月入懷而誕七歲遇法泰法師在寧夷寺講涅槃經寺與居隣玄日就講集所一聆法語若覩前因是夕夢其寺殿佛手摩其頂寤啟祖父乞爲勤策親黨聽之年十一削髮乃隨師詣唐興邑四安寺授大經四十二卷遠公義疏空

師圓旨共一百二十五萬言皆囊括深奧方年十三指擿繙徒露老成之氣時丞相杜公元穎作鎮西蜀聞玄名命升堂講談于大慈寺普賢閣下黑白衆日計萬人注聽傾心駭歎無已自此蜀人重其名號陳菩薩於淨衆寺辯貞律師所受具戒纔聽毗尼續通俱舍復從本師下三峽歷荆襄抵於神京資聖寺文宗皇帝聞之宣入顧問甚愜皇情後學唯識論于安國信法師又研外典經籍百家之言無不該綜玄每恨鄉音不堪講貫乃於象耳山誦大悲呪夢神僧截舌換之明日俄變秦語

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

武宗御宇初尚欽釋氏後納蠱惑議祀蓬萊山築高臺以祈羽化雖諫官抗疏宰臣屢言終不廻上意因詔玄與道門敵言神仙爲可學不可學耶帝又手付老氏中理大國若貞小鮮義共黃冠往復玄陳帝王理道教化根本言神仙之術乃山林間匹夫獨擅高尚之事業而又必資宿因非王者所宜辭河下傾辯海橫注凡數千言聞者爲之股慄左護軍仇士良內樞密楊欽義惜其才辯恐有斥逐之命乃密諷貢祝堯詩玄立成五篇末章云生天本自生天業未必求仙便得仙鶴背傾危龍

背滑君王且住一千年帝覽詩微解方扁舟入湖湘間時楊給事漢公廉問桂嶺延至開元佛寺屬宣宗龍飛楊公自內樞統左禁軍以冊定功高請復興天竺教奏乞訪玄聲迹玄歸上國寶應寺屬壽昌節講讚賜紫袈裟署爲三教首座帝以舊藩邸造法乾寺詔玄居寺之玉虛亭大中三年誕節詔諫議李貽孫給事楊漢公繼黃鵠列論議大悅帝情因奏天下廢寺基各勅重建大興梵刹命盡工圖形于禁中其優重如是與相國裴公休友善同激揚中興教法事八年上章乞歸故山大行

利濟受益者多倍宗令諸學士撰玄師號賜悟達國師
 玄陳讓不遂乃乞歸九隴舊廬於正月二十一日臥內
 見所曾遊歷聖境名跡皆見在前二月七日聞空聲曰
 必生淨土乃訊云孰之語耶空又應曰佛也七月中聞
 戶外有聲逡巡一菩薩降于庭前漸迫玄身叮嚀讚喻
 勿以此苦爲累也言訖而沒又於一夕有一珠自玄左
 足下流去苦楚萬端諦視其珠中明明有晁錯二字乃
 知玄是袁益也曾因七國反益奏斬錯以謝吳楚諸王
 故爲嬰撓耳召弟子慈燈附口上遺表囑令棄屍半餉
 護國淨真法師立祠於杭之會祠

釋教亨字虛明濟州任城王氏子也先有汴京慈濟寺
 墓福安居住城有年精修白業緇素仰重一日赴齋于
 芒山村乃倚樹化去是夕示夢于女弟馮自彭村見其
 乘白馬而下曰我生于西陳村王光道家馮覺語母及
 其子三人夢皆同詰旦至光道家詢之其母劉氏先夕
 亦夢安公求寄宿焉是日果誕亨乃拳右拇指似不能
 伸但瞬而未筴次日有同業僧福廣福堅聞而來謁見
 卽呼云安兄無恙耶亨熟視舉手伸指而筴其母嘗臥

80 1 2 3 4 5 6 7 8 9 90 1 2 3 4 5 6 7 8 9

100

師于室中若有人誦摩訶般若之聲及醉或以佛經酒
盃試之竟取經卷素不茹葷血見僧喜從之遊人皆呼
爲安山主故芒山村乃以師事碑于石紀其異七歲出
家依州之崇覺寺圓和尚薙染十三受大戒遇苦瓜先
生相之曰此兒他日坐道場必領僧萬指年十五遊方
聞鄭州普照寶法席之盛於是荷錫自汴發足寶公夜
夢慶雲如金芙蓉繽紛亂墜因語衆曰吾十年無夢矣
今有此是何祥也翼日亨至寶獨異之師朝夕參叩寶
亦痛劄之一日往睢陽忽馬上憶擊竹因緣疑情不散

如入禪定將抵河津渾無知覺同行德滿呼曰此河津
也亨驚遂下馬悲喜交集及歸涕以語寶公寶曰此僵
人耳切須更甦轉動始得曾看日面佛公案否曰兒時
已念得寶公笑曰我只教你參諸方掉下底禪但再參
去自有得力處一日亨于雲堂靜坐忽聞打板聲霍然
證入遂呈偈曰日面月面流星閃電若更遲疑面前著
箭咄寶公曰我謾汝不得也師後出世乃五坐道場若
嵩山之戒壇韶山之雲門鄭州之普照林溪之大覺嵩
山之法王次因金國丞相夾谷清臣請至中都潭柘遷

濟州普照未幾忽方丈後叢林中有一株亭亭高丈餘而羣鴉以次來巢狀若浮圖上下十二級衆賀曰和尚佛法愈大振乎不十日詔住慶壽寺衆常萬人三年繼主少林法席大盛無何師引去乃徜徉于嵩少之間或放歌或長嘯如是數年一日忽覺四大絃緩杜門堅坐謝絕賓客至金興定己卯七月十日誠其衆曰汝輩各自勤修索浴說偈端坐而逝年七十坐夏五十有八闍維舍利無筭師自兒時額有圓珠漏現于皮間至是爆然飛去弟子分舍利羅以建塔焉

釋法忠號牧庵四明姚氏子也十九試經得度習天台
教悟一心三觀之旨後至龍門觀水磨旋轉發明迷偈
呈佛眼曰轉大法輪目前包裹更問如何水推石磨佛
眼曰其中事作麼生忠曰澗下水長流眼曰我有末後
一句待分付汝忠卽掩耳而去後至廬山于同安枯樹
中絕食清坐宣和間湘潭大旱禱弗應忠躍入龍淵呼
曰業畜當雨一尺雨隨至嘗居南嶽每跨虎出遊儒釋
皆望塵而拜上堂我有一句子不借諸聖口不動自己
舌非聲氣呼吸非情識分別假使淨名杜口毘耶釋迦

掩室摩竭大似掩耳偷鈴未免天機漏泄直饒德山棒臨濟喝若向牧庵門下祇得一概千種言萬般說祇要教君自家歇一任大地虛空七凹八凸

釋道悟號佛光陝西蘭州冠氏子也生卽齒髮俱長具大人相年十六力求出家父母不聽乃絕食幾死遂捨入里中寺祝髮閱二年偶宿臨洮灣子店夢梵僧振聲喚覺忽聞馬嘶豁然大悟喜不自勝遂歸告母曰某干途中拾一物母問何物師曰無始來不見的遂辭欲叅方去母問汝將何之答曰水流須到海鶴出自雲頭先

是熊耳山有白雲海禪師雖住古刹不畜一徒人或問何不擇一法嗣去海曰芝蘭秀發獨出西秦曰幾時至海曰行腳了也師腰包將至海命侍者鳴鐘集衆曰我關西弟子來也然此寺原是郭子儀所建今渠自來住持汝當迎之師方入門海遙見便云相公來何暮也師進前曰諾海大笑竟授與衣法令繼其席自卽退隱寺側先有群盜踞劫民受其害或請海捕之海曰非老僧所能也不久郭公至必自捕也民弗解其說後師居寺方三日乃率衆往擒盡縛之破其穴將欲盡誅賊哀乞

命師從容謂曰汝劫財物傷人命分當死矣今汝乞命獨不念彼命乎賊叩首流血願從三寶戒誓不爲非師爲說偈剃髮釋之自是路不拾遺者數十年人始信師實郭令公之再來也宋大定二十四年海公歿師方出主鄭州普照又遷三鄉竹閣庵身著白衣跨黃犢吹短笛遊于洛中嘗曰道我凡耶曾向聖位中來道我聖耶又向凡位中去道我非凡非聖耶却向毘盧頂上別有行處泰和五年于臨洮大勢寺結夏闡圓覺經謂衆曰此席將半吾當行矣五月十二日晚小參爲衆談第一

義晨興呼侍僧曰我病覓藥去侍僧將出門師已蛻矣上有五色祥雲盤結似葢紅光如日彌塞四維三日不散世壽五十五僧臘三十有九弟子舉全身建塔焉釋真淨字如庵雲間華亭姚氏子也母朱氏夢月自海昇墮于懷覺而有娠及誕時瑞光滿室有異僧過指謂其母曰此兒海月法師再來也九歲依化城寺明淨志法師授法華經歷耳成誦十六得度博究諸乘夙慧頓發乃以性學自許首謁杭之廣福雲夢澤公聞無極度法師化聲大振遂造其室盡得其學元大德住海鹽德

藏其寺方圮，淨竭力扶樹，衆散復聚，田爲豪門所奪。復歸不數年，翕然成舊式也。至治遷松江，超果泰定乙丑元相晚驛，舉住下竺，居七稹，講席不倦。闢寺前之徑，高大其門，書佛國山以揭之。至順辛未上竺，湛堂澄公以老告休，舉淨自代。先是，淨因疾晝寢，夢白衣大士持金瓶水灌其口，曰：「汝勿憂，非久自愈矣。」叩以未來休咎，示云：汝却後二年當避喧。大樹之下，覺疾果差，切疑避喧。大樹堂匾曰：靜處始悟。夢之所示，由是殫心弘法。學者

常數千指。元主慕其道。賜佛心弘辯之號。及金紋紫伽黎衣。未幾示疾。書偈而逝。閱世七十有二。坐五十有六夏闌。維得舌根項骨不壞。舍利五色。釋弘濟字同舟。別號天岸。越之餘姚人。姓姚。幼孤。從里之寶積寺舜田滿和尚出家。少時駿發絕倫。滿授以法華經。輒成誦。年十六持四分律。躡步之間。不敢違越繩尺。已而嘆曰。戒固不可緩而精。研教乘以資行解。又可後乎。于是往鄞。依半山全法師習台教。久之悉通其旨。嘗修法華金光明淨土等懺。一日于定中彷彿覩四明。

尊者付以犀角如意，自是談辯日溢。若河懸泉涌了無留滯。元泰定元年出世，住萬壽圓覺。明年鹽官海岸毀居民朝夕惴惴，恐爲魚鱉之宅。元丞相脫驩甚憂之，乃禱觀音大士于上竺，命濟卽海岸建水陸大齋。入慈心三昧，取海沙誦大悲陀羅尼，帥衆徧撒其處。凡足跡所及，岸皆復固，人稱神焉。天曆遷集慶顯慈二寺，適當歲儉，退處別室。蘓人聘與大德萬壽寺，閱六寒暑。寺告成，至正五年，宣政請主會稽之圓通居四載，還寶積七年。元主降旨，命主杭之普福濟堅臥不起。書偈而逝。閱世

八十有六，坐七十有一夏，越七日，顏如生。衆以陶器葬里之蛾眉山松花塢。

釋蒙潤，字玉岡，嘉禾之海鹽人。姓顧，父敏，隱君子也。母孫氏，古源清法師之甥女。娠及誕，俱感異夢。潤年十四，依古源于郡之白蓮方禮伽藍神土偶，皆仆一衆驚異。古源命從祥公祝髮進具，源授以天台止觀、金剛鉢、十不二門諸書，卽能了大意。會古源歸寂，乃事竹堂傳法。師因苦學，嬰奇疾，修請觀音懺。七七日，旣獲靈應，疾愈而心悟，明利湛堂。澄公來蒞南竺，潤居第一座，無何出。

世主海鹽之當湖德藏夏講法華衆常千指屠酤爲之易業遷演福宗風益振六年退院事高臥于龍井風篁嶺之白蓮庵以下竺寺方災惟普賢殿歸然荆棘瓦礫中因慨然謂衆曰茲寺成于慈雲今殿尚存則祖師之願力有在矣乃爲次第葺治而新之昕夕演說無倦率衆修法華三昧感普賢放光現諸瑞相居三秩一日呼門弟子實法明策等示止觀安心之旨已而告曰吾生緣始盡茲惟其時驟稱佛號數百聲泊然而化

釋惟則字天眞姓費吳興人父君澤母沈氏夢異僧分

衛覺而有娠及誕異香襲人其父卒隨母適秦川澈上
髫年志求出家禮本郡祐福高林壽公爲師十六歲受
具二十三首謁楚石琦公次謁于巖長公無見覩公無
用寬公等一十八人皆因緣不契後之匡廬聞無極源
者乃雪巖欽禪師之子年已百歲獨坐茅庵終日不語
師徑造之值源廁上乃趨問云如何是祖師西來意被
擒住云道道師于言下釋然頓悟但握手而已源曰子
有所得耶疾答之云何得之有源又云子作道理耶師
拂袖而出自是機辯瀾翻有不可嬰之鋒遂服勤月餘

日益玄奧諸方聞而咸畏服之靈隱平山林公招致俾
掌藏鑰後衆請開法于海門祐福禪院千指圍繞如示
衆云魚吹浪鳶掀風鷄鳴犬吠異不同于斯薦得未爲
切俯仰黑雲千匝蒙若要徹急下工慎勿解會須磨礪
不因立志久無變一喝安能三日聾顯機用奚有窮鐵
壁銀山一樑通生擒活捉不留跡吞吐回互稱大雄若
向秋風江上過蘆花定白蓼定紅洪武初徵天下高僧
運木從井中出時值大旱澈鹽至嘉興河涸不通本府
赴京師列首名俄以足疾還海上化木造禪院神輸鬼

太尊聞師名。特詣澈川祈雨。師許太尊備座船回去。即時書一小匙。付一童子。出澈城東門。投之海中。囑童子竟歸。莫轉頭觀望。此童不及入城。而大雨如注。河路盡通。太尊乘鷁而返。

釋祖任。字幻依。丹徒人。姓楊。母朱氏。夢梵比丘入其室。覺而誕師。少沉密。喜作佛事。年十三。父母捨龍蟠山。依朝陽和尚受法華華嚴諸大部經。十七薙染。十九受具。通曉諸經大義。自謂覺識所依。非關真際。遂擔簍遊少室。依大章和尚。五載復至伏牛。依高安。十二夏。先後所

得二師印可。次遊都下，謁松秀、法師，盡得清涼宗旨。淮安胡給事延住鉢池山，造大藏經，作水陸無遮會。至南京訪無極法師，居第二座，撻之暇，卽入衆作務事。竣往京口萬壽寺演華嚴大鈔，至入法界品地，震天雨甘露。寶華時無極率徒與焉。妙峰承印、二禪衲亦居座下。自是道價鬱跂，叢林傾挹，提獎唱誘，孜孜不倦。所至皆成寶坊。師演四十八願，時有異人頂白冠，冠有蛇，足來聽說，忽不見。萬曆甲申，憇錫蘓之蓮華峰下，建精舍居之。丁亥九月，忽示疾，至二十二日晨起沐浴，跡

跋說偈曰虛空無面目無位強安排話頭不話頭處處是如來言訖而逝異香積時不散茶毘歛遺骨塔于蓮華峰之陰壽六十有六臘五十有四王世貞作銘釋明德號月亭以紹萬松林禪師法嗣故又號千松湖州烏程周氏子也生卽穎異岐然非凡髫時隨父入西資道場遂指壁間畫羅漢像問父曰僧耶俗耶父曰僧也慨然曰吾願爲是矣年十三投郡之雙林慶善庵從僧真祥習瑜珈教越四載祝髮聞有向上事乃首參百川海公不契因而單衣芒屨徧遊叢席備歷艱辛自念

般若緣薄擬投天竺。哀懇觀音大士。祈值明師道經中竺。聞萬松說法。先入禮謁。萬松問曰。大德何來。欲求何事。對曰。欲叩普門。求良導耳。松堅一指。曰。且去禮大士。却來相見。師泫然再拜。求決生死大事。松曰。子欲晚生死。須知生死無著。始得。師聞罔然。依受具足戒。自爾朝參夕叩。久無所入。松不得已。授以楞嚴大旨。于是苦心研究。至清淨本然。云何忽生山河大地處。恍然若雲散長空。寒蟾獨朗。遂作偈呈曰。楞嚴經內本無經。覲面何須問姓名。六月炎天炎似火。寒冬臘月冷如冰。松領之。

囑曰。汝旣悟教乘。異日江南講肆。無出爾右。向上大事。藉此可明。松住徑山。師爲衆。負米採薪。不憚勞苦。偶行林簷間。有虎踞道。師卓錫而前。虎遁去。常閱棗柏合論。至十地品。中宵隱几而坐。夢遊兜羅錦世界。登座闡華嚴。與旨。至于結座說偈。寤白松。松撫之曰。此聖力冥被耳。非惟吾道將行。清涼一宗亦大振矣。無何。松化去。師守塔三載。聞佛慧祇園法師講席之盛。戴笠投之。祇園亦默識而愛重。其弟子沙泉。頗自負不籍師名。師遂掛錫報先寺。報先與佛慧咫尺之間。故晨則持鉢。午則聽

講夕則與同叅十餘人敷其義趣。于是衆日漸益香積不繼。師陰禱于伽藍神曰：倘吾與聖教有緣，神其無憚訶護。移時有外道自雲間來施米百石。自是報先之盛過于佛慧。開堂之日，祇園命侍僧奉以衣拂。師謝還之，瓣香爲萬松拈出。已而子身復徑山凌霄峯爲礙膺未破。又力參三年。一夕初夜趺坐，豁爾心境冥會，疑滯水釋乃躍然說偈曰：千年翠竹萬年松，葉葉枝枝是宗風。雲嶽高岑棲隱處，無言杲日普皆同。趨禮萬松塔曰：老漢不我欺也。自此道譽益隆。學者輻輳，四方交聘。歲無

虛日開堂靈隱門庭嚴峻，無賴僧徹空天然輩。睨視不敢近，竟以不測事誣師。不終日，事白。天然坐誣遁，餘黨笞死者二十人。師南遊赤城，外道歸化者不可勝紀。台郡教乘之被實，師始也聞玄談于大中庵。三日庵災，獨師之丈室歸然無恙。講圓覺疏鈔于法海地產白蓮華紫芝生于廁五臺居士因匾其堂曰漏蓮師居東禪夜夢文殊跨獅出，乃遺獅乘空而去。獅忽化爲童子，師故問曰：爾方獅今童耶？試開口。童子啟頰，口如丹硃。師撫其背曰：爾猶獅也。童曰：師口何如？師張口示之。童躍入。

咽師驚覺而汗且喜曰文殊大智在我腹中矣不數月五臺陸公率衆命講華嚴大鈔衆常千指妙峯覺法師入室弟子也遙宗四明弘天台教觀之道以師闡賢首未諳台衡故質六卽蛣蟻之義師曰天台六卽在行人迷悟之分耳如我在名字則十界皆名字我證究竟則十界皆究竟若我蛣蟻十界皆蛣蟻也非蛣蟻上別有六卽覺曰不然天台六卽不論世出世間有情無情物物皆具隨舉一法六卽在焉何必以我迷悟觀彼優劣哉師曰聖人設教誠爲汲引迷途若云隨舉一法六卽佛非惟九界正報全體遮那則界一切衆生同時成佛。非惟九界正報全體遮那則界依報無非寂光所以歎云奇哉衆生具有如來智慧分相乃因妄想不自證得豈非以我成佛觀彼皆成佛果如子言其究竟蛣蟻永無成佛日矣一切衆生無一人發菩提心所謂十法界都爲一隊無孔鐵鎗若言究竟蛣蟻容有成佛如來何日復迷而作衆生金重爲鑄兵失孰大覺曰

